



იმისთანა წმინდა საცემში, ბოგბილ ბუქ-  
უბი სიფყავა, ცუდილუბით და ჭებრბით ბუბ-  
თის გაფანა ყუელა უჯადისთბაგე უსამაგლესია.



გამოდის 1918 წლის  
25 ივლისიდან

# რესპუბლიკა

შაბათი-კვირა, 29 თებერვალი - 1 მარტი. 2020 წ. №38 (8964)

ელ. ფოსტა: sakresp@mail.ru და sakresp@top.ge

ფასი 60 თათრი

## ალექსანდრა ჭიკაიძეს „შემოულანუნებენ“?!



**როგორ დააბრძოვა  
უს ყოფილა  
მინისტრმა  
მრავალმილიონიანი  
ქონება 3**

## კორონავირუსის გაემსოფლიო საფონდო ბირჟებმა ერთ დღეში 5 ტრილიონით იზარალეს!

მას შემდეგ რაც მსოფ-  
ლიოს სამ კონტინენტზე კო-  
რონავირუსის გავრცელების  
ფაქტი დადასტურდა, ერთ  
დღეში მსოფლიო საფონდო  
ბირჟებმა ერთ დღეში 5 ტრი-  
ლიონი დოლარით იზარა-  
ლეს, - ამის შესახებ Reut-  
ers წერს. გამოცემის ცნო-  
ბით ინვესტორები ვერ აკე-  
თებენ პროგნოზს მოვლენე-  
ბის შემდგომი განვითარე-  
ბის შესახებ. „ინვესტორები  
რისკების შეფასებას ცდილობენ“, -  
აცხადებს SEI Investments-  
ის აზიის აქციების კონტროლის ხელმძღვანელი ჯონ ლაუ.



2020 წლის 9 თებერვალს ამერიკული ინდექსის ვარდნას  
მსოფლიო ბაზარზე ჯაჭვური რეაქცია მოჰყვა. მკვეთრად და-  
ეცა ევროპული და აზიური ბირჟების მაჩვენებლები.  
აშშ-ის საფონდო ბირჟებზე არსებული არასტაბილური  
ვითარების გამო ბოლო პერიოდში მსოფლიოს 500-მა მდი-  
დარმა ადამიანმა 114 მილიარდი დოლარი დაკარგა!

## საქართველოში კორონავირუსის მეორე შემთხვევა გამოვლინდა

საქართველოში კორონავირუსის მეორე შემთხვევა დადას-  
ტურდა. ამის შესახებ დაავადებათა კონტროლის ცენტრის  
ხელმძღვანელმა ამირან გამყრელიძემ გუშინ განაცხადა. ის არის  
საქართველოს მოქალაქე, რომელიც იტალიაში იმყოფებოდა.  
„გუშინ კორონავირუსული ინფექციის ახალი შემთხვევა გა-  
მოვლინდა. პაციენტს აქვს იტალიაში მოგზაურობის ისტორია.  
მისი მდგომარეობა დამაკმაყოფილებელია და მიმდინარეობს მო-  
ნიტორინგი“, - განაცხადა გამყრელიძემ.  
საქართველოში კორონავირუსის პირველი შემთხვევა 26 თე-  
ბერვალს დადასტურდა. ჯანდაცვის მინისტრის ეკატერინე ტიკა-  
რაძის თქმით, დაავადებული საქართველოს მოქალაქეა, რომელიც  
26 თებერვალს აზერბაიჯანის გავლით ირანიდან შემოვიდა. სა-  
უბარია 50 წლის კაცზე. პაციენტი ინფექციურ საავადმყოფოშია  
გადაყვანილი და მის სიცოცხლეს საფრთხე არ ემუქრება.

## „საქართველოს ბანკი“ აღასტურებს...

დაავადებათა კონტროლისა და საზოგადოებრივი ჯანმრთე-  
ლობის ეროვნული ცენტრის მიერ დადასტურებული კორონავირუს-  
ის შემთხვევებს შორის ერთ-ერთი, რომელმაც იტალიაში იმოგზა-  
ურა, ჩვენი თანამშრომელია. ის საქართველოში 26 თებერვალს ჩა-  
მოფრინდა.

**29 თებერვალს 12**  
**დაბადებულთა**  
**„სპირიტუალური“**

**გალა მოქიანვილი:**  
**ლაშარა ჭყონია**  
**- საქვეყნოდ 7**  
**აღიარებული**  
**ქართველი მომღერალი**

## მსირაპასუბაძის ფაშის ურთმანტიზმოდ

## სახსები გააიფათ, ხალხის მყვლეფელნო!

4

„ვაქავ ჭქუასა ბრქანთასა...“

## „ქალი სუეოველი მამაკაცის ცხოვრებაში მხოლოდ ერთია“...

ანონსი  
საგზაბათიდან

ვინ იყო კოკო შანელი?..





„UNDP-ისთვის დიდი პატივია მთავრობის ადმინისტრაციის პოლიტიკის დაგეგმვისა და კოორდინაციის განახლებული სისტემის შექმნის პროცესში მონაწილეობა, არა მხოლოდ საქართველოში ადგილობრივ დონეზე, არამედ მთელი რეგიონის მასშტაბით, რადგან ყოვე-

ლივე ეს საქართველოსთვის წარმოადგენს კიდევ ერთ ოქროს ვარსკვლავს დემოკრატიული რეფორმების გზაზე, — ამის შესახებ UNDP-ის მუდმივმა წარმომადგენელმა საქართველოში ლუიზა ვინტონმა პოლიტიკის დაგეგმვისა და კოორდინაციის განახლებული

# ლუიზა ვინტონი: კიდეც ერთი ოქროს ვარსკვლავი საქართველოს დემოკრატიული რეფორმების გზაზე!

სისტემის პრევენტივაზე განაცხადა, რომელიც, დღეს მთავრობის ადმინისტრაციის ინიციატივით გაიმართა.

მისივე შეფასებით, სტრატეგიული დოკუმენტების, მონიტორინგის და კოორდინირების ახალი მიდგომის სპეციფიკა უნიკალური მიღწევაა არა მხოლოდ რეგიონში, არამედ მის ფარგლებს გარეთაც.

„ჩვენთვის განსაკუთრებით სასიხარულოა ეს კონკრეტული რეფორმა, როგორც ბევრად უფრო ფართომასშტაბიანი რეფორმის შემადგენელი ნაწილი. საჯარო მომსახურების, ადმინისტრაცი-

რების რეფორმა საკვანძო ნაწილია პრემიერ-მინისტრის მიერ გატარებული ბევრად უფრო ფართო რეფორმისა. ეს საკვანძო ელემენტი მორგებულია კომპლექსურობაზე,“ — აღნიშნა ლუიზა ვინტონმა.

UNDP-ის მუდმივმა წარმომადგენელმა ასევე საზი გაუსვა რეფორმების პროცესში საზოგადოების ჩართულობის მნიშვნელობას და აღნიშნა, რომ სტრატეგია ვერ ამუშავდება, თუკი მათ შექმნასა და განხორციელებაში არ მონაწილეობენ მოქალაქეები, ადამიანები, რომელთათვისაც

უშუალოდ ეს სტრატეგია განკუთვნილია.

პოლიტიკის დაგეგმვისა და კოორდინაციის სისტემის პრევენტივა საქართველოს მთავრობის ადმინისტრაციის უფროსმა ნათია მეზვრიშვილმა გახსნა. ღონისძიების ძირითადი მიზანი იყო ფართო საზოგადოებისთვის 2019 წლის 20 დეკემბრის საქართველოს მთავრობის 3629 დადგენილებით მიღებული სიახლეების გაცნობა — პოლიტიკის დაგეგმვისა და კოორდინაციის სისტემის ჩამოყალიბებასთან დაკავშირებით.

## ჯასტინ მაქჟენზი სმიტი: თქვენ ხართ რეგიონში და მის საზღვრებს გარეთ ბევრი პლაიანისა და ქვეყნის უთაბონების წყარო!

ბოლო წლების განმავლობაში საჯარო მომსახურების რეფორმის კუთხით საქართველომ ძალიან შთაბეჭდილო პროგრესს მიაღწია, — ამ სიტყვებით მიმართა საქართველოში დიდი ბრიტანეთის ელჩმა ჯასტინ მაქჟენზი სმიტმა პოლიტიკის დაგეგმვისა და კოორდინაციის განახლებული სისტემის პრევენტივის მონაწილეებს, რომელიც დღეს მთავრობის ადმინისტრაციის ინიციატივით გაიმართა.



დიდი ბრიტანეთის ელჩმა კიდევ ერთხელ დაადასტურა ბრიტანეთის მთავრობის მზადყოფნა, გააგრძელოს საქართველოს მხარდაჭერა უმნიშვნელოვანესი რეფორმების გატარებაში.

დიპლომატმა ხაზგასმით აღნიშნა, რომ რეფორმების განხორციელების პროცესში საერთაშორისო საზოგადოება საქართველოს გვერდით დგას.

„საქართველოში ინტენსიური წინასაარჩევნო პერიოდია. ჩემზე დიდი შთაბეჭდილება მოახდინა პრემიერ-მინისტრის და მთავრობის ადმინისტრაციის უწყვეტმა გადაწყვეტილებამ — საჯარო ადმინისტრირების რეფორმის გატარებასთან დაკავშირებით, ასევე, ღიაობამ ამ პროცესში სამოქალაქო საზოგადოების ჩართვასთან დაკავშირებით. ამ რეფორმების განხორციელებაში საერთაშორისო საზოგადოება თქვენ გვერდით დგას. ასევე აღვნიშნავ საჯარო მოხელეების ღვაწლს. თქვენ უნდა ამაყობდეთ უკვე მიღწეულით. თქვენ ხართ ამ რეგიონში და მის საზღვრებს გარეთ ბევრი ადამიანისა და ქვეყნის შთაგონების წყარო. ეს გზა გრძელდება და ამ გზაზე შეგიძლიათ, თქვენ გვერდით იგულოთ ბრიტანეთის მთავრობა“, — აღნიშნა დიდი ბრიტანეთის ელჩმა საქართველოში.

## რა გადაწყვეტილებას მიიღებს სტრასბურგი?

აბჰისტოს ომის საქმეზე რუსეთის წინააღმდეგ სახელმწიფოთაშორის დავაზე საქართველო სტრასბურგის სასამართლოს გადაწყვეტილებას წელს ელოდება.

ამის შესახებ იუსტიციის მინისტრმა თეა წულუკიანმა განაცხადა.

აგვისტოს ომის საქმეზე საქართველო რუსეთს ადანაშაულებს ევროპული კონვენციის რვა მუხლის დარღვევაში, კერძოდ, საქართველო მიიჩნევს, რომ რუსეთმა ომისა და შემდგომი ოკუპაციის დროს დაარღვია ევროპული კონვენციის შემდეგი მუხლები: სიცოცხლის უფლება (მე-2 მუხლი); ნაშობის, არააღიარებული ან ღირსების შემლახველი მოპყრობის ან დასჯის აკრძალვა (მე-3 მუხლი); თავისუფლებისა და უსაფრთხოების უფლება (მე-5 მუხლი); პირადი და ოჯახური ცხოვრების დაცულობის უფლება (მე-8 მუხლი); სამართლებრივი დაცვის ქმედითი საშუალებების უფლება (მე-13 მუხლი); საკუთრების დაცვა (1 და-მატებითი ოქმის 1 მუხლი); განათლების უფლება (1 და-მატებითი ოქმის მე-2 მუხლი); მიმოსვლის თავისუფლება (მე-4 დამატებითი ოქმის მე-2 მუხლი). რუსეთ-საქართველოს ომის საქმის არსებით მხარეზე წერილობითი პოზიციები და შესაბამისი მტკიცებულებები საქართველომ პირველად წარადგინა 2014 წლის 31 დეკემბერს, ამის შემდეგ დამატებით — 2016 წლის 19 თებერვალს და 31 მარტს, 2017 წლის 31 იანვარსა და 24 ნოემბერს. საქმეზე ზეპირი მოსმენა 2018 წლის 23 მაისს გაიმართა. სახელმწიფოთაშორისი საჩივარი სტრასბურგში 2008 წლის 11 აგვისტოს შევიდა, 2009 წლის 6 თებერვალს კი საქართველომ წარადგინა დაზუსტებული საჩივარი; სტრასბურგის სასამართლომ 2011 წლის 13 დეკემბრის გადაწყვეტილებით საქართველოს საჩივარი მისაღებად ცნო, არსებითი მხარის წინასწარი გადაწყვეტის გარეშე.

## თორნიკე რიჟვაძე: სოფლად მენარჩობის განვითარების ახალი პროგრამა იწყება!

გუშინ აჭარის მთავრობის სდომამ გაიმართა. აჭარის მთავრობის თავმჯდომარემ ისაუბრა იმ სიახლეებზე, რაც ეკოტურიზმის, მთის ტურიზმის და სოფლის ტურიზმის განვითარების ხელშეწყობის მიზნით იწყება რეგიონში.

ინცეპტა სოფლად მენარჩობის განვითარების ახალი პროგრამა, რომლისთვისაც ბიუჯეტში მილიონ ლარამდეა გათვალისწინებული.

„პროგრამა მიზნად ისახავს, ხელი შეუწყოს როგორც ახალგაზრდა მენარჩეებს, სტარტაპებს, ასევე, არსებული ბიზნეს-

ბის გაფართოებას და მოდიფიკაციას. განსაკუთრებით მნიშვნელოვანია, რომ პროგრამით შესაძლებელია, დაფინანსდეს როგორც ეკოტურიზმის მიმართულების პროექტები, ასევე, ახალი ინოვაციური, ენერჯოეფექტური პროექტები. ჩვენთვის მნიშვნელოვანია, რეგიონში გვექონდეს ინტელუიური ზრდა, რაც გულისხმობს ყველა მუნიციპალიტეტისთვის თანაბარ შე-საძლებლობებს როგორც ფინანსებზე ხელმისაწვდომობის, ასევე, ახალი პროექტების რეალიზებისთვის“ — განაცხადა მთავ-

რობის თავმჯდომარემ.

ბათუმი გაზაფხულზე ევროპის სოფლის ტურიზმის გენერალურ ასამბლეას უმასპინძლებს.

„ეს ნიშნავს რეგიონის და ქვეყნის ცნობადობის ამაღლებას, რაც მოგვცემს საშუალებას დავსახოთ ახალი ღონისძიებები როგორც ეკოტურიზმის, ასევე, სამთო ტურიზმის განვითარების კუთხით“, — აღნიშნა თორნიკე რიჟვაძემ. ასამბლეა ბათუმში მაისში ჩატარდება და მასში მონაწილეობას 15-ზე მეტი ქვეყნის წარმომადგენელი მიიღებს.

## მაღალმთიანი დასახლების სტატუსი კიდეც 6 სოფელს მიენიჭა

სამართლებლო მთავრობის გადაწყვეტილებით, მაღალმთიანი დასახლების სტატუსი კიდეც 4 მუნიციპალიტეტის 6 სოფელს მიენიჭა. დღეიდან მაღალმთიან დასახლების სტატუსით და მასთან დაკავშირებული შედეგებით სარგებლობის საშუალება მიეცემა დაფუძნების მუნიციპალიტეტის სოფელი ახალციხის, გურჯაანის მუნიციპალიტეტის სოფელი მელაანის, ქარელის მუნიციპალიტეტის სოფლების — დვანისა და კროლვის, საჩხერის მუნიციპალიტეტის სოფლების — სპეთისა და ქალოვანის მოსახლეობას.

კანონით დადგენილი შედეგებით სარგებლობა გააუმ-

ჯობესებს კიდევ 6 სოფლის ეკონომიკურ მდგომარეობას და სოციალურ ფონს, ხელს შეუწყობს ამ დასახლებებში მუდმივად მცხოვრები მოსახლეობის ადგილზე დამაგრებას და მათთვის ახალი შესაძლებლობების გაჩენას.

ამ დრომდე, საქართველოში მაღალმთიანი დასახლების სტატუსი მინიჭებული ჰქონდა ქვეყნის 1,731 დასახლებას და მთაში მუდმივად მცხოვრების სტატუსით სარგებლობდა 246,012 მოქალაქე.

უკვე მეხუთე წელია, მაღალმთიან რეგიონში მცხოვრები მოსახლეობისთვის დაწესებუ-

ლია როგორც სოციალური, ისე საგადასახადო შედეგებით მთაში ეკონომიკური საქმიანობის წახალისების მიზნით.

ბოლო წლებში მთის ფონდიდან გამოიყო 86 მილიონი ლარი, რომლის დიდი ნაწილი მოხმარდა ინფრასტრუქტურულ პროექტებს. ესაა — საგზაო, წყალმომარაგებისა და ნაპირსამაგრი სამუშაოები, კულტურისა და სპორტის ობიექტების, სკოლა-პანსიონების რეაბილიტაცია, მზის პანელების დამონტაჟება, ამბულატორიების მშენებლობა-რეაბილიტაცია და სხვა მიმართულებები. გასულ წელს, საქართველოს



მთავრობამ დაამტკიცა მთის განვითარების ეროვნული საბჭოს მიერ შემუშავებული „საქართველოს მაღალმთიანი დასახლებების განვითარების სტრატეგიის მიზანია მაღალმთიანი დასახლებების მდგრადი განვითარება, იქ მცხოვრებთა სოცი-

ალური მხარდაჭერა და სერვისების ხელმისაწვდომობის გაზრდა.

მთის პოპულარიზაციის მიზნით, მსოფლიოს სხვა ქვეყნების მსგავსად, უკვე ორი წელია, 11 დეკემბერს, საქართველოში ოფიციალურად აღინიშნება მთის დღე.



შინაგან საქმეთა ყოფილი მინისტრის ალექსანდრე ჭიკაიძის საქმეში გადმოდგება მისი დაკავშირებით, არასამთავრობო ორგანიზაცია „საერთაშორისო გამჭვირვალობა“ გამომავალი დასაბუთებული აქტიურობის შესახებ ორგანიზაცია მრავალ განცხადებას ავრცელებს:

# ალექსანდრე ჭიკაიძის „შეშორება“?



## როგორ დაგროვდა მის ყოფილმა მინისტრმა მრავალ-მილიონიანი ქონება

„შინაგან საქმეთა ყოფილმა მინისტრმა ალექსანდრე ჭიკაიძემ 2017 წლის ბოლოს საჯარო სამსახურის დატოვების შემდეგ დიდი რაოდენობით უძრავი ქონება საეჭვო გარემოებებში დააგროვა. იმ პირობებში, როდესაც თანამდებობის დატოვების მომენტისთვის ალექსანდრე ჭიკაიძეს არ ჰქონდა დანაზოგი ან თანხა საბანკო ანგარიშზე და ბანკის სოლიდური ვალი გააჩნდა, მან და მისმა მეუღლემ ორ წელზე ნაკლებ დროში შეძლეს უძრავი ქონების – 224.72 კვ.მ. საცხოვრებელი ფართისა და 216.778 კვ.მ. მიწის – საეჭვოდ დაბალ ფასში შექენა.

ალექსანდრე ჭიკაიძე შინაგან საქმეთა სამინისტროს 2013 წლის 20 ნოემბრიდან 2015 წლის 23 იანვრამდე ხელმძღვანელობდა; შემდეგ იგი სახელმწიფო უსაფრთხოებისა და კრიზისების მართვის საბჭოს მდივნის მოადგილედ დაინიშნა, თუმცა საბჭო 2017 წლის ნოემბერში გაუქმდა; 2018 წლის იანვრიდან ჭიკაიძე ჭიდაობის ეროვნული ფედერაციის ვიცე-პრეზიდენტის პოზიციას იკავებს.

ყოფილი თანამდებობის პირის სწრაფი გამდიდრება თავისთავად აღძრავს ეჭვებს ამ პროცესის კანონიერებასთან დაკავშირებით. გარდა ამისა, სხვადასხვა თანამდებობაზე ყოფნის დროს ალექსანდრე ჭიკაიძე არაკეთილსინდისიერად ავსებდა ქონებრივი მდგომარეობის დეკლარაციებს.

„საერთაშორისო გამჭვირვალობა – საქართველო“ პერიოდულად იკვლევს ყოფილი და მოქმედი თანამდებობის პირების ქონებრივი მდგომარეობის დეკლარაციებს, რათა გამოავლინოს უკანონო გამდიდრებისა და ინტერესთა შეუთავსებლობის საგარეულო შემთხვევები.

### გამდიდრების ქრონოლოგია

2018 წლის იანვარში, საჯარო სამსახურის დატოვების მომენტისთვის, ალექსანდრე ჭიკაიძის სახელზე 4 უძრავი ქონება აღირიცხებოდა, რომელთაგან მან მხოლოდ 2 დაადეკლარირა:

100.1 კვ.მ. ბინა თბილისში, ზახტრიონის ქუჩაზე, რომელიც მას მემკვიდრეობით ერგო;

2013 წლის 29 ნოემბერს 169,000 \$-ად შეძენილი 293 კვ.მ. ბინა თბილისში, ყაზ-

ბეგისა და მიცკევიჩის ქუჩებს შორის, რისთვისაც მან 140,000 \$-ის ოდენობის სესხი აიღო საქართველოს ბანკიდან;

2016 წლის 6 მაისს დუშეთის მუნიციპალიტეტში მემკვიდრეობით მიღებული 15.000 კვ.მ. სასოფლო-სამეურნეო მიწის ნაკვეთი მასზე განლაგებული ორი საცხოვრებელი სახლით. ეს ინფორმაცია მან არც 2017 და არც 2018 წლის დეკლარაციაში არ ასახა.

2017 წლის 11 სექტემბერს, მცხეთაში, სოფელ მუხრანში 3,500 ლარად შეძენილი 2.300 კვ.მ. სასოფლო-სამეურნეო მიწა, რომელიც მან, კანონის მოთხოვნის მიუხედავად, 2018 წლის დეკლარაციაში არ ჩაწერა.

საჯარო სამსახურში თანამდებობის დატოვების შემდეგ, 2018 წლის იანვრიდან 2019 წლის ნოემბრამდე ორ წელზე ნაკლებ დროში ალექსანდრე ჭიკაიძემ და მისმა მეუღლემ შეიძინეს 278,766 ლარის ღირებულების უძრავი ქონება – 224.72 კვ.მ. საცხოვრებელი ფართი და 216.778

კვ.მ. მიწა. კერძოდ: 2018 წლის 25 მაისს მან 59 266 ლარად შეიძინა 139.62 კვ.მ. მშენებარე ბინა და ტერასა ბათუმში, ფიროსმანის ქ. №18-ში.

2018 წლის 17 სექტემბერს 60,000 ლარად შეიძინა 142.865 კვ.მ. სასოფლო-სამეურნეო (სახნავი) მიწა წინანდალში.

იმავე დღეს 30000 ლარად შეიძინა 72.113 კვ.მ. სასოფლო-სამეურნეო (სახნავი) მიწა ასევე წინანდალში.

2019 წლის 7 მარტს 40,000 ლარად შეიძინა 1.800 კვ.მ. სასოფლო-სამეურნეო (სახნავი) მიწა საგურამოში.

2019 წლის 20 ნოემბერს ალექსანდრე ჭიკაიძის მეუღლემ ნათია ოკრიბე-ლაშვილმა ბაკურიანში 10000 დოლარად 85.1 კვ.მ. კოტეჯი შეიძინა.

### რატომ არის საქმეში ალექსანდრე ჭიკაიძის მიერ ქონების დაგროვება?

1. მაღალი თანამდებობის პირის მი-

ერ საჯარო სამსახურიდან წასვლის შემდეგ დიდი რაოდენობით უძრავი ქონების მოკლე დროში დაგროვება თავისთავად საეჭვო გარემოებაა.

2. მისი ახალი სამსახური – ჭიდაობის ფედერაციის ვიცე-პრეზიდენტი – ოფიციალურად არააანაზღაურებადი.

3. ალექსანდრე ჭიკაიძის მიერ ბოლოს შევსებულ დეკლარაციაში არ ფიგურირებს არც დანაზოგი და არც თანხა საბანკო ანგარიშზე, რომლის გამოყენებითაც მას ამ ხარჯის გაწევა შეეძლო. მეტიც, იმავე დეკლარაციის მიხედვით, მას 2023 წლამდე სოლიდური მოცულობის იპოთეკური სესხი ჰქონდა აღებული.

4. თანამდებობის დატოვების შემდეგ ახალი საბანკო სესხი მან 2019 წლის 30 სექტემბერს მას შემდეგ აიღო, რაც უკვე ნაყიდი ჰქონდა უძრავი ქონება ბათუმში, წინანდალსა და საგურამოში.

5. საეჭვოდ დაბალია შეძენილი უძრავი ქონების ფასები. სერიოზულ კითხვებს ბადებს 2019 წლის მარტში საგურამოში შეძენილი უძრავი ქონების ღირებულება. ნასყიდობის ხელშეკრულების მიხედვით, მინა 40,000 ლარად არის ნაყიდი, თუმცა 9 თვის შემდეგ (12.12.2019) გაფორმებულ იპოთეკის ხელშეკრულებაში იგივე ქონება საქართველოს ბანკის მიერ 110000 დოლარად არის შეფასებული.

6. ალექსანდრე ჭიკაიძე აქტიურ სამეწარმეო საქმიანობაში მხოლოდ 2019 წლის ზაფხულიდან (ივლისი) ერთვება, მას შემდეგ, რაც ძირითადი უძრავი ქონება უკვე შეძენილი აქვს. 2019 წლის 3 ივლისს მან უსასყიდლოდ მიიღო შპს „ჯორჯიან ვინგზის“ 50%-იანი წილი, ასევე დააფუძნა ორი ახალი კომპანია: 2019 წლის 24 ივლისს შპს „სანლე გრუპ“, რომლის 50%-იან წილსაც ფლობს და 2019 წლის 7 ოქტომბერს შპს „რთველი-სი“ – 25%.

მანამდე ის 2018 წლის 2 აპრილიდან 2019 წლის 22 თებერვლამდე ფლობდა შპს „ნიუ პოლის“ 51% წილს, რომელიც უსასყიდლოდ დათმო. ბიზნესით ის პირველად მინისტრის თანამდებობის დატოვებიდან 15 თვეში, 2016 წელს დაკავდა, როდესაც საპარლამენტო უმრავლესობის წევრ ისკო დასენთან ერთად „დაცვითი საქმიანობით“ დაკავებული შპს „ლეგიონი 2016“ დააფუძნა. ალექსანდრე ჭიკაიძემ 2017 წლის დეკლარაციაში არ ჩაწერა, რომ 2016 წლის 26 აპრილიდან 3 ნოემბრამდე ფლობდა ამ კომპანიის 49%-ს, რომელიც მან 100 ლარად გაყიდა.

### არაკეთილსინდისიერად შეხსენებული ქონებრივი მდგომარეობის დაქარაზიება

ალექსანდრე ჭიკაიძის 2012 წლიდან მოყოლებული ქონებრივი მდგომარეობის მხოლოდ 6 დეკლარაცია აქვს წარდგენილი, რომელთაგან 3 დეკლარაცია, კანონის დარღვევით, არასრულადაა შევსებული:

ბოლო, 2018 წლის დეკლარაციაში მან არ ჩაწერა, რომ 2017 წლის 12 სექტემბერს, მცხეთაში, სოფელ მუხრანში შეიძინა 2.300 კვ.მ. სასოფლო-სამეურნეო მიწა.

2017 წლის დეკლარაციაში მან არ ასახა, რომ 2016 წლის 26 აპრილიდან 4 ნოემბრამდე ფლობდა შპს „ლეგიონი 2016“-ის 49%-იან წილს. გარდა ამისა, კანონის მოთხოვნის მიუხედავად, მას ეს წილი მართვის უფლებით სხვა პირისთვის გადაცემული არ ჰქონდა (მუხლი 13(6)).

2017 წლის დეკლარაციაში მან ასევე არ ჩაწერა, რომ 2016 წლის 6 მაისს დუშეთის მუნიციპალიტეტში მემკვიდრეობით მიიღო 15.000 კვ.მ. სასოფლო-სამეურნეო მიწის ნაკვეთი მასზე განლაგებული ორი საცხოვრებელი სახლით. ეს ინფორმაცია მან არც 2018 წლის დეკლარაციაში ასახა.

მოვუწოდებთ შესაბამის საგამოძიებო ორგანოებს, დაინტერესდნენ 2018 წლის იანვრიდან 2019 წლის ნოემბრამდე ალექსანდრე ჭიკაიძისა და მისი მეუღლის მიერ შეძენილი ქონებაში გადახდილი თანხის წარმომავლობით და დაადგინონ, ხომ არ იქნა დარღვეული კანონი, – აღნიშნულია ორგანიზაციის განცხადებაში.

# არ უნდა თქვა და აკეთო მიუღებელი რამ...

გაპრთიანებული ოპოზიციის სია დიდად განსხვავებული არ იქნება იმ სახეებიდან, რომელთაც ვხედავთ ლეიბორისტების მაგიდასთან...

ოპოზიციის „გეგმა B“ ცნობილია. მედიაში გაჟონილი ინფორმაციით, თბილისში ძირითად მაჟორიტარულ ოლქებში გაერთიანებული ოპოზიცია 7 კანდიდატზე შეაჩერებს თავის არჩევანს. ეს კანდიდატები იქნებიან: შალვა ნათელაშვილი, დავით ბაქრაძე, ნიკა მელია, ელენე ხოშტარია, გიორგი ვაშაძე, ზაალ უდუმაშვილი, ხატია დეკანოიძე.



ოპოზიციონერთა კვლევების ასეთ გადანაწილებას არ ეთანხმება ალექო ელისაშვილი. იგი გამოცხადდა, რომ „ხარბი ზნე ვერ მოიშალა „ნაციონალურმა მოძრაობამ“, რადგან „ნაციონალურის“ მტკიცებით, თურმე ოპოზიცია „შეთანხმებულია“ თბილისში საერთო კანდიდატებზე და, მათ შორის, თურმე ალექო ელისაშვილსაც დასტური უთქვამს, რაც სინამდვილეში არ მოხდარა.

ალექო ელისაშვილს ისიც აინტერესებს, რატომ გადაწყვიტა, „ნაციონალურმა“ მიუთითოს სხვებს, სად ვინ უნდა დააყენოს კანდიდატურები, ან სად ვის უნდა დაუჭირონ მხარი? ეს მაშინ, როცა მცირე აზრთა გაცვლა-გამოცვლის მიღმა არანაირი სხვა კომუნიკაცია არ ყოფილა. ეს ხომ არ არის „ნაციონალურის“ იმ სცენარის გაგრძელება, როცა ჯერ პროპორციული არჩევნების მოპოვება დაიბრალა „ნაციონალურმა“ და ახლა საკუთარი ჭკუითა და გემოვნებით ანაწილებს ოპოზიციის კანდიდატურებს თბილისში? ხომ არ იქნება ეს სია „ნაციონალურის“ დამარცხების ფორმულა? ამის შესახებ დღეს ანალიტიკოს სოსო მანუშაშვილს ვესაუბრებით.

– მედიამ გაჟონილი ინფორმაციით, თბილისის ძირითად მაჟორიტარულ ოლქებში „ნაციონალურისა“ და „ევროპული საქართველოს“ ლიდერები იყრიან კენჭს. თუ ამ სიას შალვა ნათელაშვილს გამოვაკლებთ, სულ „ნაცები“ და „ევრონაცები“ ყოფილა დაკომპლექტებული მაჟორიტართა სია. ოპოზიცია თავს იმართლებს, რომ ასეთი სია არ არსებობს, უბრალოდ, რამდენიმე ადამიანი ერთმანეთს უზიარებდა

აზრს, თუ ვინ იქნებოდა მათი კანდიდატი თბილისში, რამაც რატომღაც მედიაში გაჟონა. თქვენი აზრით, ეს სია ხომ არ გახდება ოპოზიციის დამარცხების ფორმულა? – ჯერჯერობით, ეს არ არის ოფიციალური მონაცემი, თუმცა პროგნოზს თუ გავაკეთებთ, გაერთიანებული ოპოზიციის სია ამ შემადგენლობისგან დიდად განსხვავებული არც იქნება იმ სახეებიდან გამომდინარე, რომელთაც ვხედავთ

ლეიბორისტების მაგიდასთან. თუ ასეთი სახეებით დაკომპლექტდება მაჟორიტარების სია, პროგნოზი რთულად გამოსაცნობი არ იქნება. გასაგებია, რომ მათ სხვა კანდიდატურები ვერც ეყოლებათ. რაც არიან, ესენი არიან და ახლა ციდან ვერ ჩამოცივდებიან უკეთესები.

იხ. 5 გვ.



რუსეთმა გამოანახა გზა, ადამიანის უფლებათა ევროპული სასამართლოს მიერ დაკისრებული 10 მილიონი ევრო უნდა გადაუხადოს!



რადებულთა სიის შედგენას, - აღნიშნულია რუსეთის მიერ გამოქვეყნებულ დოკუმენტში.

გამოცემა წერს, რომ საქართველოს საგარეო საქმეთა სამინისტროს მათ მიერ გაგზავნილ მოთხოვნაზე პასუხი არ გაუცია.

„ადრე მსგავსი მექანიზმი იქნა გამოყენებული კონსტიტუციური სასამართლოს მიერ, რომელმაც ნება დართო რუსეთს, არ გადაეხადა ადამიანის უფლებათა ევროპული სასამართლოს მიერ, 1866 მილიარდი დოლარის ოდენობით დაკისრებული კანაზლაურება „იუკოსის“ ყოფილი აქციონერების მიმართ. თუმცა, მაშინ დაზუსტდა, რომ ხელისუფლებას შეეძლო ნებაყოფლობით გადაეხადა აქციონერებისთვის, რომლებიც მენეჯერების ქმედებისგან დაზარალებულნი იყვნენ „იუკოსის“ ახლად გამოვლენილი ქონების ხარჯზე.

„უზრუნავლად ადამიანის უფლებათა დაცვის ევროპული სასამართლოს ბიულეტენის“ მთავარი რედაქტორის იური ბერეტინის თქმით, ამ კონკრეტულ შემთხვევაში, რუსეთის ხელისუფლება კიდევ უფრო ჭკვიანურად იქცევა, რამდენადაც, საუბარია არა ანაზლაურებაზე უარზე, არამედ დიალოგზე იმასთან დაკავშირებით, თუ როგორ უნდა აღსრულდეს გადაწყვეტილება.

„ეს ნორმალური და გასაგები პოლიტიკური თამაშია, რომლითაც მინისტრთა კომიტეტში ყველა ქვეყანა თამაშობს და რომელიც არავისგან ინვესტს შემფოთებას. თუმცა, ეს ასევე სერიოზული ქვეა სასამართლოს ბოსტანში, რომელმაც დიდი რაოდენობით საქმეების გამო, ვერ შეძლო დაემუშაებინა გადაწყვეტილების ტექნიკური ნაწილი“, - აღნიშნავს იური ბერეტინი.

ევროპის საბჭოს მინისტრთა კომიტეტმა 2019 წლის 3-5 დეკემბერს საქართველოს მოთხოვნით ე.წ. დეპორტირებულიების საქმის აღსრულების პროცესი განმეორებით შეაფასა. 2019 წლის სექტემბრის სხდომის მსგავსად, კომიტეტმა გაიზიარა საქართველოს მთავრობის მიერ წარდგენილი არაგუმენტები და რუსეთს მოუწოდა კომპენსაციის სახით 10 მილიონი ევროს საქართველოსთვის დაუყოვნებლივ გადახდისკენ.

კომიტეტმა აღნიშნა, რომ სტრასბურგის სასამართლოს მიერ რუსეთისათვის დაკისრებული სამართლიანი დაკმაყოფილების თანხის გადახდა არის უპირობო ვალდებულება და შემფოთება გამოხატა იმ ფაქტთან დაკავშირებით, რომ, მიუხედავად ზემოაღნიშნული ვალდებულებისა, მოპასუხე სახელმწიფოს ამ დრომდე არ გადაუხდია დაკისრებული თანხა.

ამასთან, მინისტრთა კომიტეტმა გამოხატა წუხილი იმის თაობაზე, რომ რუსეთის დელეგაცია ცდილობს, კითხვის ნიშნის ქვეშ დააყენოს ევროპული სასამართლოს მიერ განსაზღვრული გადაწყვეტილების აღსრულების პროცედურის თანმიმდევრობა, რაც უპირველესად გულისხმობს რუსეთის ფედერაციის მიერ ანაზლაურებას.

რუსეთმა გამოანახა გზა, ადამიანის უფლებათა ევროპული სასამართლოს მიერ დაკისრებული 10 მილიონი ევრო საქართველოს არ გადაუხადოს, - ამის შესახებ რუსული გამოცემა „ვედომოსტი“ წერს.

გამოცემის ცნობით, რუსეთის ხელისუფლებამ ევროპის საბჭოს მინისტრთა კომიტეტს მიაწოდა ინფორმაცია, რომ „სერიოზული პრობლემები“ შეექმნათ ადამიანის უფლებათა ევროპული სასამართლოს გადაწყვეტილების შესრულების დროს, რომლის მიხედვითაც, რუსეთმა 2006 წელს საქართველოს მოქალაქეების უაწონო დეპორტაციისთვის საქართველოს ანაზლაურების სახით 10 მილიონი ევრო უნდა გადაუხადოს.

„ვედომოსტის“ ინფორმაციით, აღნიშნული გადაწყვეტილება 2019 წელს იქნა მიღებული.

„შესაბამისად, საქართველოს ხელისუფლებას ევროპის საბჭოს მინისტრთა კომიტეტის ზედამხედველობით, უნდა შეექმნა მექანიზმები ანაზლაურების განსაზღვრისა და განაწილებისთვის. თუმცა ამ დრომდე ეს არ გაკეთებულა, - აღნიშნულია რუსეთის მიერ მომზადებულ სამოქმედო გეგმაში, რომელიც ევროპის საბჭოს ოფიციალურ ვებგვერდზეა გამოქვეყნებული.

ადამიანის უფლებათა დაცვისა და ძირითად თავისუფლებათა დაცვის კონვენციაში აღნიშნულია, რომ სასამართლო აუცილებლობის შემთხვევაში დაზარალებულ მხარეს სამართლიან ანაზლაურებას ანიჭებს“, - ნათქვამია რუსულ დოკუმენტში.

„თუმცა, საფუძველი ანაზლაურების მინიჭებისთვის, სა-

ხელმწიფოთაშორისი საჩივრით პრინციპში გათვალისწინებული არ არის - ის შესაძლოა, მიიღონ მხოლოდ ცალკეულმა განმცხადებლებმა, რომლებიც აღიარებული არიან მსხვერპლად. ამ შემთხვევაში, ხელისუფლება მხოლოდ ოპერატორის ფუნქციას ასრულებს“, - აღნიშნავს გამოცემა.

როგორც რუსულ გამოცემაშია ნათქვამი, ადამიანის უფლებათა ევროპულმა სასამართლომ დაავალდებულა საქართველოს ხელისუფლება, შეადგინოს დაზარალებულთა საბოლოო სია, დააზუსტოს, თუ ვინ რომელი დარღვევის შედეგად დაზარადა და რა სახის ანაზლაურება ეკუთვნის. ეს კი უნდა განხორციელდეს სასამართლო განხილვისას წარმოდგენილი საერთო სიიდან (მასში 1797 საგარეუდო მსხვერპლია), სულ მცირე 290 მოქალაქის გამორიცხვით, რომლებიც არ შეიძლება იყვნენ აღიარებული დაზარალებულად სასამართლოს გადაწყვეტილებაში არსებული განსაზღვრული კრიტერიუმების საფუძველზე. საბოლოო სია, როგორც სასამართლომ მიუთითა, უნდა შეიცავდეს, „არანაკლებ 1500 საქართველოს მოქალაქეს“.

როგორც „ვედომოსტი“ წერს, მხოლოდ ამის შემდეგ, სახელმწიფო, რომელიც პასუხისმგებელი ამ დარღვევებზე, შეძლებს ანაზლაურებას დაზარალებული მხარისთვის. რუსეთში შიშობენ, რომ სხვა შემთხვევაში, ანაზლაურებას მიიღებს ის ხალხიც, რომელიც არ შეიძლება ჩაითვალოს დაზარალებულად, ამ თანხის დაბრუნება კი, შეუძლებელი იქნება.

„წინააღმდეგ შემთხვევაში, შეუძლებელია, აიხსნას ის ფაქტი, რომ საქართველოს ხელისუფლება არ ჩქარობს დაზა-

სესხები გააიფეთ, ხალხის მყვლეფელნო!

საქართველოში იპოთეკური სესხები რაპიონში ყველაზე ძვირია, რაც უპრაპი ქონების ბაზრის განვითარებას აფერხებს...

მსოფლიოს მასშტაბით, იპოთეკური სესხი ყველაზე იაფი ფინანსია, ყველაზე ძვირი კი არგენტინაში. ამის შესახებ გლობალური საერთაშორისო კომპანია NUMBEO-ს მონაცემებში ვითხულობთ.

რეიტინგის მიხედვით, იაფი იპოთეკური სესხებით, 103 ქვეყანას შორის, საქართველო 88-ე ადგილს იკავებს, სადაც საპროცენტო განაკვეთი საშუალოდ 12,12% -ს შეადგენს.

„საზოგადოება და ბანკების“ დაფუძნებელი ბიორბი ქაპულაძე ამბობს, რომ ქვეყანაში საპროცენტო განაკვეთებს ეკონომიკური მდგომარეობა განსაზღვრავს და თუ დაბალი საპროცენტო განაკვეთები გვსურს, საჭიროა სწრაფად ვითარდებოდეთ და ინფლაციის დონეც დაბალი იყოს.

ქვეყანაში საპროცენტო განაკვეთები იმის შესაბამისია, როგორი ეკონომიკური მდგომარეობაც აქვს მას, შესაბამისად ჩვენ უნდა შევედაროთ ისეთ ქვეყნებს, რომლებიც განვითარების დაახლოებით ჩვენაირ ეტაპზე არიან და ამის მიხედვით უფრო ობიექტური იქნება იმის დასკვნა, საქართველოში საპროცენტო განაკვეთები როგორია. თუ გვინდა დაბალი საპროცენტო განაკვეთები, ამისთვის მნიშვნელოვანია, რომ ქვეყნის ეკონომიკა წინ მიდიოდეს, უფრო სწრაფად ვიზრდებოდეთ და საერთაშორისო რეიტინგებში დავწინაურდეთ. რეფინანსირების განაკვეთი მინიმუმ 9%-ია, რასაც ბანკის პროცენტი ემატება, მაგრამ უცხოურ ვალუტაში იპოთეკური სესხი ისტორიულ მინიმუმზეა. თუ

გვინდა, შევედაროთ აშშ-ს, გერმანიას და პოლონეთს, ეკონომიკური მდგომარეობით მათ უნდა მივუახლოვდეთ. უპრაპი ქონების დიდი უმრავლესობის შექმნა იპოთეკური სესხით ხდება, თუ სესხზე საპროცენტო განაკვეთი იმატებს, ქონების გაყიდვა თავისთავად შემცირდება. საპროცენტო განაკვეთები იმის გამო გაიზარდა, რომ ინფლაცია მაღალი იყო, შემდეგ ეროვნულმა ბანკმა პოლიტიკა გააძვალა, რამაც ეკონომიკური ზრდა შეანედა და ეს უპრაპი ქონების ბაზარზე თავისთავად უარყოფითად აისახა“, - განმარტავს გიორგი კეპულაძე.

თავისუფლებისა და დემოკრატიის ფონდის აღმასრულებელი დირექტორი ანა ბობოლაძე მიიჩნევს, რომ იპოთეკური სესხის მაღალ საპროცენტო განაკვეთს საქართველოში მონოპოლიზებული საბანკო სექტორი და არასტაბილური მაკროეკონომიკური გარემო განაპირობებს.

„იპოთეკური სესხი არის ის, რისი საშუალებითაც ადამიანს თავის ცხოვრებაში ერთ-ერთი ყველაზე მნიშვნელოვანი ინვესტიციის განხორციელება შეუძლია. საქართველოს პირობებში სადაც ხელფასი, „საქსტატი“ აბსურდულ მონაცემებს თუ არ გავითვალისწინებთ, საშუალოდ 500-600 ლარია, გამოდის რომ ერთადერთი საშუალება იმისა, რომ ადამიანმა უპრაპი ქონება შეიძინოს - იპოთეკური სესხია. ის, რომ სესხები მაღალია, ამის ერთ-ერთი ფაქტორი მონოპოლიზებუ-



ლი საბანკო სექტორია, იმის მიუხედავად რომ ქვეყანაში 19 კომერციული ბანკია, რეალურად ბაზარი 4 დიდ ბანკს აქვს „დაპყრობილი“. გარდა ამისა, ის ფაქტი, რომ ამ ბაზარზე არასახარბიელო მდგომარეობაა, საერთაშორისო კომპანიების გასვლა მონომბს, მაგალითად Societe Generale-მა და „ლიბერთი ბანკის“ უცხოელმა პარტნიორმა ბაზარი მალევე დატოვებს. ქვეყანაში რეალურად 4 ბანკი წყვეტს, რა უნდა იყოს საქართველოში სესხის ფასი. მაღალ სესხს არასტაბილური მაკროეკონომიკური გარემო და მაღალი ინფლაცია განაპირობებს. თუ გავისხვებთ ეროვნული ბანკის მიერ გატარებულ რეგულაციებს, ამან კიდევ უფრო ცუდ დღეში ჩააგდო მსესხებლები და დეველოპერები, რადგან ჩვენ ვიცით, რომ სამშენებლო სექტორი ყველაზე მეტად რაზეც წუხდა, საბანკო რეგულაციების შემდეგ კიდევ უფრო შემცირებული გაყიდვები იყო. აღსრულების მაჩვენებლებიც კი ამაზე მიუთითებს, აღსრულებაში იპოთეკური სესხით უზრუნველყოფილი ქონების რაოდენობა გაიზარდა, იმიტომ რომ, ხალხი ვეღარ ახერხებს მაღალპროცენტიანი სესხების გადახდას. ამ მონაცემების მიხედვით, რეგიონში ძალიან ცუდი მაჩვენებელი და ყველაზე ძვირი სესხი გვაქვს, სესხის სიიფით გვისწ-

რებს აზერბაიჯანიც, სომხეთიც და რუსეთიც, რაც საინვესტიციო თვალსაზრისითაც ცუდია, რადგან რომელიმე დეველოპერს რომ უნდოდეს ქვეყანაში შემოსვლა, ეს შეიძლება, გადამწყვეტი ფაქტორი აღმოჩნდეს. ძვირი სესხი ავტომატურად ნაკლებ მიყვარს ნიშნავს, იმ პირობებში როდესაც იპოთეკური სესხი ქვეყანაში ასეთი ძვირია, ეს თავისთავად სამშენებლო ბიზნესს აზარალებს და უპრაპი ქონების ბაზრის განვითარებას აფერხებს. თუ იპოთეკური სესხი გაიფეთება, ეს თავისთავად მომიჯნავე სექტორებზეც დადებითად აისახება“, - განაცხადა ანა გოგოლაძემ.

აღსანიშნავია, რომ TOP-10 ძველანა, სადაც იპოთეკური სესხები ყველაზე იაფია, შემდეგია:

1. ფინეთი - 1,46%;
2. იაპონია - 1,48%;
3. სლოვაკეთი - 1,60%;
4. შვეიცარია - 1,61%;
5. საფრანგეთი - 1,64%;
6. დანია - 1,77%;
7. ბელგია - 1,82%;
8. გერმანია - 1,88%;
9. ტაივანი - 1,89%;
10. იტალია - 1,99%.

ნიშო თამაზაშვილი




# თავ ნულუკიანი: რუსეთს „აინყაბა“, რომ ვალდებულაა უპირატესად



რუსეთი ყველაფერს აკეთებს, რომ ე.წ. დემორტირებულიების საქმეზე სტრასბურგის სასამართლოს მიერ მისთვის დაკისრებული 10 მილიონი ევრო საქართველოს არ ჩაურთავოს!

როგორც ნულუკიანი აღნიშნა, დავაზე გადაწყვეტილება საბოლოოა და გასაჩივრებას არ ექვემდებარება. „რუსეთთან ე.წ. დემორტირებულიების საკმარისი დავა დაგვიჩვეთ იქიდან, როცა რუსეთი ამბობდა, რომ ჩვენი ქვეყნის მოქალაქეების დემორტირების და კოლექტიურ გამოძევებას ადგილი არ ჰქონია და არც უკანონო პატიმრობები ყოფილა სახეზეო. ჩვენ ეს დავა მრავალი წლის პროცედურული პერიპეტეიების შემდეგ სტრასბურგის სასამართლოს წინაშე მოვიდეთ. თავიდან სია იყო წარდგენილი ძალიან მცირე, რადგან ჩვენ, საქართველოს ხელისუფლება მივიჩნევდით, რომ შეიძლებოდა, საილუსტრაციო სიის საფუძველზე უბრალოდ დარღვევები დადგენილიყო, თუმცა, მერე ვნახეთ, რომ რუსეთს შეეძლო, ამით ესარგებლა და ასეულობით ადამიანის კონკრეტული შემთხვევა წარვადგინეთ, სრულყოფილი სია შევქმენით. რა თქმა უნდა, ამან დაასუსტა რუსეთის პოზიციები, ამის წყალობით ჩვენ სტრასბურგის სასამართლოში დავა მოვიდეთ. დავაზე გადაწყვეტილება საბოლოოა, გასაჩივრებას არ ექვემდებარება. რუსეთი უკვე მინისტრთა კომიტეტის წინაშე ეჭვქვეშ აყენებს სასამართლოს ამ გადაწყვეტილების აღსრულების საკითხს და ყველაფერს აკეთებს პროცედურულად იმისთვის, რომ 10 მილიონი ევროს ოდენობის თანხა საქართველოს არ ჩაურთავოს. ამას აქვს მხოლოდ ერთადერთი არგუმენტი დარჩენილი, რომელიც აბსოლუტურად უსაფუძვლოა. რუსეთი ამბობს, რომ 10 მილიონი ევრო საქართველოს კი არ უნდა ჩავუარიცხო, არამედ, საქართველომ უნდა მიიხრახრა, ამ თანხას რომ ჩავერიცხავ, ვისზე განაწილდებაო“, – განაცხადა თავი ნულუკიანი.

იუსტიციის მინისტრი განმარტავს, რომ საქართველოს შესაბამისი სია წარდგენილი აქვს.



# არ უნდა თქვა და აკეთო მიუღებელი რამ...

**გაართიანებული ოპოზიციის სია დიდად განსხვავებული არ იქნება იმ სახეობიდან, რომელთაც ვხედავთ ლიბორისტების გაბილასთან...**

**(მესამე გვერდიდან) – „ნაციონალები“ ამბობენ, რომ დასახელებულ კანდიდატთა მთავარი კრიტერიუმი კონკრეტულ უბანში მათი ცნობადობაა.**

– სხვათაგან ისინი ვერც დააკომპლექტებენ ამ სიას, უცნობებს ვერ წამოაყენებენ კანდიდატურებად, ცნობადებზე შეაჩერებენ არჩევანს, რადგან ცნობადობა ერთ-ერთი ამოსავალი ნერტილია მაჟორიტარულ არჩევნებში გამარჯვებისთვის, ან ბრძოლისთვის. ცხადია, მათ მიერ წამოყენებული პერსონები ცნობადები არიან, ვინ არ იცნობს ელენე ხოშტარისას, შალვა ნათელაშვილს, ზაალ უდუმაშვილს, ნიკა მელიას, მაგრამ საქმე ის არის, როგორ იცნობენ ამ ადამიანებს. ეს პერსონები მართლაც ოპოზიციის დამარცხების ფორმულას განაპირობებენ, რადგან ისინი არ ითვალისწინებენ ერთ მნიშვნელოვან ფაქტორს – უარყოფითი ცნობადობის, უარყოფითი რეიტინგის ფაქტორს. ყველა იცნობს მათ, მაგრამ მათ მიმართ განწყობა უარყოფითია და ეს არის მთავარი. მით უმეტეს, უარყოფითი განწყობა მატულობს იმ ტაქტიკისა და სტრატეგიის გამოც, რომელიც მათ აირჩიეს. ეს არის წმინდა დესტრუქციის ტაქტიკა და სტრატეგია. „ქართული ოცნების“ ხელისუფლების მიმართ მათი კრიტიკა პირადი შეურაცხყოფის გარდა არაფერს მოიცავს. მოიცავს მხოლოდ უარყოფას, აგრესიას, დესტრუქციას, გაცვეთილ პროვოკაციულ მოქმედებებს, სრულიად უნიჭო პერფორმანსებს. შეიძლება ეს ყველაფერი გულს ფხანდეს „ოცნებაზე“ განაწყენებულ ამომრჩევლებს (და განაწყენებულნი რომ არის ამომრჩევლები, ესეც არ არის დასაშავი), მაგრამ ეს ყველაფერი საბოლოოდ „ოცნების“ სასარგებლოდ იმუშავებს, ვინაიდან კითხვა აღქმდება ჩვეულებრივ ადამიანს: რა მოხდება, თუკი „ნაცივები“ და „ევრონაცივები“ მოვლენ ხელი-სუფლებას? ცხადია, ბევრ ადამიანს გაახსენდება ის „საქმენი საგმირონი“, რაც ასე უხვად ჰქონდათ ჩადენილი, მათ შორის, სწორედ ამ პერსონაჟებს, აღარაფერს ვამბობ იმ პერსონაჟზე, ვისაც ისინი წარმოადგენდნენ იმ პერიოდში. ამიტომ წინასწარჩვენოდ სრულიად პროგნოზირებადია მათი პერსპექტივა.

– ოპოზიცია დიდ იმედს ამყარებს მიხეილ სააკაშვილზე, როგორც გავლენიან პოლიტიკოსზე, როგორც მას გუბაზ სანიკიძე უწოდებს. გუბაზ სანიკიძე მიიჩნევს, რომ პოლიტიკაში სიყვარულსა და სიძულვილზე ლაპარაკს თავი უნდა დაფანტო, რადგან ორივე აბრმავებს – პირველი თავისი სინათლით და მეორე თავისი სიბნელით. ეს ლოგიკა რამდენად გასაგებია?

– სამწუხაროდ, კომიკური პერსონაჟი გახდა გუბაზ სანიკიძე, რომელიც დიდაქტიკური ტონით ისეთ თეზისებს გვთავაზობს, ისეთ აბსურდებს იძახის და წინააღმდეგობაში მოდის თავის გამონათქვამებთან, რომ ყველასთვის ცინიკური ხდება.

– რა ვგულებათ მიშასთან? ფინანსები?

– რა თქმა უნდა, ფინანსები. გარდა ამისა, სააკაშვილს ჰყავს თავისი, რბილად რომ ვთქვათ, ელექტორატი, რომელთათვის არაფერს არ აქვს მნიშვნელობა, მათ სააკაშვილი ჰყავთ კერპად და რაც არ უნდა გააკეთოს და ილაპარაკოს სააკაშვილმა, მის ნათქვამს ალტაცებით ხვდებიან. ალბათ, ტომები დაინერგება მიშას მიერ გამოთქმული „მარგალიტების“ შე-

სახე, ჯერ რამდენჯერ თქვა უარი საქართველოზე ღია ეთერში, აღარ ვარ მე ქართველი, უკრაინელი ვარ ამჟამადო, შემდეგ სახურავზე დარბოდა... მოკლედ, რაც მაგას აქვს ნალაპარაკევი და რა საქციელიც აქვს ჩადენილი ჯერ საქართველოში, მერე უკრაინაში, ადამიანთა დაახლოებით 15%-ისთვისაა მისაღები, რომლებიც, როგორც უკვე გითხარით, ოღონდ დაარწმუნე, რომ სააკაშვილი ყველაფერს აკეთებდა სახელმწიფოებრივი წესრიგისთვის, კორუფციის წინააღმდეგ, ცუდი ბიჭების წინააღმდეგ და ნათელი მომავლისთვის, ყველაფერს დაიჯერებენ. სინამდვილეში, რა ჰქვია ამ „ნათელ მომავალს“ – კომუნიზმი თუ გვირაბში შესვლა, სააკაშვილის მომხრეებს დიდად არ აინტერესებთ.

– ევროკავშირის ელჩის კარლ შარცველის თქმით, ოპოზიციისა და ხელისუფლების მოლაპარაკების ფანჯარა იხურება. ამის მიუხედავად, ცალკეული ოპოზიციონერების რეკომენდაციას, გაუშვან ნულუკიანი და ვოლსკი ევროპაში ორი კვირით და ყველაფერი მოგვარდება. მოლაპარაკების რესურსს ხედავთ?

– ჯერ ერთი, თავის დროზე პროპორციული არჩევნების თემა რომ არ შეეთავაზებინა ბიძინა ივანიშვილს, საერთოდ არ იდგა ეს საკითხი. კარგი, მან თქვა ასეთი რამ და შემდეგ გადათქვა. საერთოდ, რატომ თქვა და ვინ უჩივია პროპორციული არჩევნების შეთავაზება, ესეც გაუგებარია, საიდან მოვიდა ეს მოდელი – პროპორციული არჩევნები ნულუკიანი ბარიერი? ეს ხომ ნოუ-ჰაუ იყო, რომელიც მხოლოდ ჩვენ უნდა გვექნონოდა. სინამდვილეში, ისეთ საფრთხეებს შეიცავდა ეს მოდელი, რომ ამ საფრთხეების განეიტრალება არა მგონია, შეგვძლებოდა. ახლა, გარკვეულ მიზეზთა გამო არ დავასახელებ ამ საფრთხეებს, ბოლოს და ბოლოს, საქართველოში არსებობს დემოკრატიული საკითხები, ტერიტორიული მონყობის საკითხები, რელიგიური, გეოპოლიტიკური პრობლემები, მთავრობის ფორმირების სიძნელეებზე აღარაფერს ვამბობ. ეს საკითხები არავის აინტერესებს, ყველას ერთი რამ სურს – რამენაირად პარლამენტში მოხვდეს, ნაცვლად იმისა, გამოსულიყვნენ და, პირიქით, გააკრიტიკებინათ ივანიშვილი პროპორციული არჩევნების შეთავაზების გამო. ამით გაცილებით მეტ სიმპათიას მოიპოვებდნენ, მათ შეეძლოთ ეთქვათ: რას ამბობს ივანიშვილი, ჩვენი კანონმდებლობა არ არის სრულყოფილი იმისთვის, რომ ავიცილოთ საფრთხეები თუნდაც სხვადასხვა სექტორის მხრიდან წარმოადგენილების გაყვანის თვალსაზრისით. 13 ათასი კაცი სჭირდება გაყვანას, სხვადასხვა რელიგიური, ეთნიკური ჯგუფის შექმნა დაერეგისტრირებინათ პარტიები და შემდეგ თავიანთი ინტერესების შესაბამისად ემოქმედათ, ამის საფრთხე არსებობდა და ეს არ იყო რთული. მსგავსი მოდელი ამ მიზეზების გამო და იმის გამოც, რომ პარლამენტი არ გადაიქცეს ბალაგანად, არ არსებობს თვით მალალი კულტურის ქვეყნებშიც კი.

მაკა ცინცაძესთან, ტელეეთერში, ახალ წლამდე ვთქვი, რომ ეს მოდელი, რომელიც არსებობდა საქართველოში, რეფერენდუმის შემდეგ იყო დადგენილი. 2005 წელს პარლამენტმა დაადგენილება მი-

ილი, რაც სამართლიანი იყო, შეესაბამებოდა რეფერენდუმის შედეგებს, მაგრამ სააკაშვილმა ვოლუნტარისტულად, დარღვევით შემოიღო დღეს არსებული მოდელი. ამიტომ უნდა დაბრუნებულიყო 100/50-ზე მოდელი. ვფიქრობ, დღევანდელი მოდელი, გარკვეულწილად, „ნაც-მოდერნიზაციას“ აწყობს. ისინი ფიქრობენ, რომ იდეოლოგიურადაც ეს მისცემს მათ გარკვეულ ფორას, რომ ჩვენ თქვენ დაგთანხმდით, მაგრამ მაინც დაგამარცხებთ. ყოველ შემთხვევაში, „ნაცებს“ ასე უნდათ, წარმოაჩინონ. გარდა ამისა, ისინი თავს იზღვევენ შესაძლო დამარცხებისთვის, რათა მერე დაადანაშაულონ „ოცნება“ არჩევნების გაყალბებაში, რადგან ძნელად წარმოადგენია, „ოცნებამ“ დაუთმოს მაჟორიტარული ოლქები ოპოზიციას. 100/50-ზე მოდელი ოპოზიციამ უარყო, რაც კიდევ ერთხელ ადასტურებს მათ უპასუხისმგებლობას.

– ოპოზიცია ითხოვს პოლიტპატიმრების გამოშვებას. ამის გარეშე ხელისუფლებასა და ოპოზიციას შორის მოლაპარაკების რესურსს ხედავთ?

– მოლაპარაკების რესურსს უკვე ვერ ვხედავ. მაქსიმუმი, რაც შეიძლება მოხდეს, ეს არის 100/50-ზე, მაგრამ ამასაც, მე მგონია, „ნაციმოდერნიზაცია“ ბლოკავს. არადა, ეს მოდელი გაცილებით უკეთესი იქნებოდა ჩვენი ქვეყნისთვის.

– ოპოზიცია მოითხოვს, არჩევნებამდე გამოცხადდეს მორატორიუმი დაქვერებით დაკავშირებით, გონივრული იქნება მორატორიუმი?

– საერთოდ, ჩვენ რომ უფრო მაღალი პოლიტიკური კულტურის ქვეყანა ვიყოთ, გარკვეულ წითელ საზეზზე უნდა შევთანხმდეთ, იქნება ეს მოქმედებები თუ ვორდინგი, ანუ რიტორიკა. არ შეიძლება სიძულვილი, უხამსობა, ცილისწამება, უნიჭო პერფორმანსები, კოდეფორული გამოსტომები, საშინელი საინფორმაციო ფონი. ეს ქვეყნისთვის კატასტროფაა. რაც არ უნდა კარგი მოხდეს, ცალკეული საინფორმაციო საშუალებები ამას მაინც ცუდად აღიქვამენ, მათ სძულთ ყოველგვარი პოზიტივი, ცუდ ინფორმაციას კი პოზიტიურად წარმოაჩენენ, მოკლედ, გაუკუღმართებული სარკეების ქვეყნად ჩამოვყალიბდით.

ამიტომ გარკვეულ კონსენსუსამდე თუ არ მივდით, ისე ვერ განვითარდება ჩვენი ქვეყანა. თუნდაც ინდიკატორების ომი ავიღოთ, ამ მხრივ რა ვითარებაა? ერთი მხრივ, ამერიკელი კონგრესმენების წერილები წარმოისახება საქართველოს სრული განადგურება-დაცემის უტყუარ ნიშნად და, მეორე მხრივ, გვაქვს იმავე დასავლური ინსტიტუციების – მსოფლიო ბანკის, საერთაშორისო სავალუტო ფონდის, ნაუმანის ფონდის დადებითი შეფასებები საქართველოს ეკონომიკურ ზრდასთან მიმართებით, ანუ იმავე კრიტერიუმებით, რითაც თავს იწონებდა 9 წელი „ნაციმოდერნიზაცია“, იგივე დასავლური ინსტიტუტები როცა აფასებენ „ოცნების“ ხელისუფლების გარკვეულ მიღწევებს დადებითად, მათ მიმართ აგრესიული ტონი იგრძნობა ოპოზიციის მხრიდან, რაც სრული აბსურდია. მორატორიუმს რაც შეეხება, ადამიანის შინაგანი კულტურა უნდა არსებობდეს, რომ არ გააკეთო და არ თქვა მიუღებელი რამ.

მანანა ნოზაძე







1962 წლის ნოემბერში კიევის ოპერისა და ბალეტის თეატრი საგასტროლოდ მოსკოვში ჩავიდა, რომლის შემადგენლობაში ჩვენი თანამემამულე ლამარა ჭყონიაც გამოდიოდა. ყრილობათა სასახლეში ჩატარებულ სპექტაკლებს დიდი წარმატება ხვდა წილად. კიეველთა საერთო წარმატებაში ქალბატონმა ლამარამ თავისი გამორჩეული წვლილი შეიტანა ელზას პარტიის შესრულებით რიზარდ ვაგნერის ოპერაში „ლოენგრინი“. თეატრის გასტროლების ბოლო დღეს გაიმართა გალა კონცერტი, სადაც ლამარა ჭყონიამ იმღერა პაულის არია მეიერბერის ოპერა „ჰუგენოტებიდან“. გამოსვლა მართლაც შთაბეჭდილი იყო, რასაც დამსწრეთა ხანგრძლივი ოვაცია მოჰყვა.

ამ საღამოსთვის ქალბატონმა ლამარამ სპეციალურად შეაკერინა შინდისფერი ხავერდის ულამაზესი კაბა. ჯერ კიდევ კონცერტის მსვლელობისას კულისებში შემსრულებლებთან ავადასახენებელი ნიკიტა ხრუშჩოვის სიძე, თეატრის მაშინდელი დირექტორი ვიქტორ გონტარი შევიდა და განუცხადა, რომ კონცერტის დასრულების შემდეგ, იქვე ყრილობათა სასახლეში დამსახურებულ მუსიკოს-შემსრულებელთათვის გამოსათხოვარ ბანკეტს მართავდა ცეკვას შეფი ნიკიტა ხრუშჩოვი. ბანკეტს შემსრულებელთა გარდა უკრაინის რესპუბლიკის რამდენიმე პარტიული ხელმძღვანელიც ესწრებოდა. ხრუშჩოვი, როგორც მასპინძელი, ყველას ღიმილით შეხვდა, წარმატება მიულოცა და გაშლილ სუფრასთან მიიწვია. მან ვიქტორ გონტარს ხელით ლამარა ჭყონიაზე ანიშნა და ხშირად უთხრა: — ეს შევეთვალა, მშვენიერი გოგონა სუფრის თავში, ჩემ გვერდით დასვიოთ! ნიკიტა ხრუშჩოვის ერთ მხარეს მისი მეუღლე იჯდა, ხოლო მეორე მხარეს ლამარა ჭყონია! დასაწყისში ყველა დაძაბულად გრძნობდა თავს. დაძაბულობა ნიკიტა ხრუშჩოვმა განმუხტა, როდესაც კონიაკით სავსე ფუფერი გადაჰკრა და სხვებსაც მოუწოდა, მისთვის მიეზაძათ. არაერთი სადღეგრძელო შესვა ხრუშჩოვმა. ამასობაში ყველა შეზარხოშდა, ლამარა ჭყონიას გარდა. თავიდან ხრუშჩოვი თავაზიანად იქცეოდა, ჯენტლმენობის გამოჩენა სურდა და ქალბატონ ლამარას სხვადასხვა კერძებს სთავაზობდა. როცა მან საკმაო რაოდენობის კონიაკი მიირთვა, დაიწყო ეპიზოდების გახსენება თავისი ცხოვრებიდან. ამ ეპიზოდების მთავარი მოქმედი გმირი იოსებ სტალინი გახლდათ. ხრუშჩოვი მოურიდებლად, ზიზლით და შურის აღსრულებით სტალინს ამბობდა, რომ სტალინი მხოლოდ ქართულ ღვინოს სვამდა და თავშეუკავებელი სმა იცოდაო (რაც აბსოლუტური სიცრუეა, ქალები უყვარდა და მათ მიმართ დაუდრობელი იყო, მუსიკალური სმენა საერთოდ არ ჰქონდა, მოხსენებებს სხვები უწერდნენ, არ იცოდა ადამიანების დაფასება და გარშემო მყოფთა მიმართ იყო სასტიკი, ყველას დასცინოდა და თქვენ წარმოიდგინეთ, არ დამალა, რომ მათ შორის მეც ვიყავიო. თურმე, ნუ იტყვი, სტალინს მისთვის ჩიბუხიც კი ჩაუტაკუნებია თავში. ეს ჩვენი ნიკიტა თავისი სულელური მოგონებებით ყოველგვარ ზნეობრივ ზღვარს გასცდა... ლამარა ჭყონია მონუსხული უსმენდა ამ ყველაფერს, ჭამის მადაც კი დაკარგა, მხოლოდ წყალს სვამდა. ეტყობა, ხრუშჩოვის მეუღლეს შენუხდა, დროდადრო პერანგზე ქაჩავდა ქმარს: „ნიკიტა, უკვე გვიან არის, გეყოფა ამდენი სმა, წახვალის დროა!“ ნიკიტა უკვე ყურსაც არ უგდებდა და ისევ თავისას მიერეკებოდა.

კიევის საოპერო თეატრის რუსი ეროვნების რეჟისორმა ირინა მოლოსტოვამ სიტყვა მოითხოვა და თავის გამოსვლაში აღნიშნა, რომ თეატრის ხელმძღვანელობამ თავის საქმიანობაში სწორი მიმართულება აირჩია, ჩვენთან დემოკრატიული და ინტერნაციონალური სულისკვეთება სუფევსო, უკრაინელებთან ერთად თეატრში მოღვაწეობენ რუსები, ებრაელები, თათრები, სომხები და ქართველები... — ქართველები! — იყვირა სახეშემოილიმა ხრუშჩოვმა და მოსაუბრეს თითქმის ყვირილითვე ჩაეკითხა: — ქართველები? აბა ვინო?! მოლოსტოვამ არტისტული უესტიმ ჭყონიასკენ გაიშვირა ხელი და თან დააყოლა: „აი, თქვენ გვერდით რომ ზის შავთავლება, მშვენიერი მომღერალი“, ის ხომ ქართველია! ამ სიტყვების გაგონებაზე ნიკიტას ელდა ეცა. სავსე ჭიჭით ხელში ჭყონიასკენ უხერხულად მკვეთრად შემოტრიალდა და კონიკი გადაასხა ხავერდის საკონ-

ცერტო კაბაზე, თან ღვარძლიანად კბილებში გამოსცრა: „Как вы и грузинку пригрели?!“ ასე შეეწირა თავქარიანი ხრუშჩოვის შოვინისტურ და ანტიქართულ ინტერესს ქალბატონი ლამარას ულამაზესი საკონცერტო კაბა.

ეს გახლავთ ამონარიდი ლამარა ჭყონიას წიგნიდან „ცხოვრების ტალღებზე“. ლამარა ჭყონია 1930 წელს თბილისში მოსამსახურის ოჯახში დაიბადა. მამა გრიგოლ ჭყონია — სწავლული მეტყვევნიერი, დედა ივლიტა ზედელაშვილი სპეციალობით ბულატი იყო. 1937 წლის რეპრესიებმა გრიგოლის ორივე



# ლამარა ჭყონია — საქვეყნოდ აღიარებული ქართველი მომღერალი



ში“. მის სიმღერაში მძლავრობდა მოქნილი მუსიკალური ფრაზები, კანტილენური ჟღერადობა ყველა რეგისტრში, მუსიკალური მონაკვეთები ფილიგრანული სიზუსტით იყო შესრულებული.

მმა შეინარა. თვითონ გრიგოლი იძულებული შეიქნა სასწრაფოდ გასცლოდა თბილისს. მან იქაური ტყის მცველების დახმარებით აჭარის მთებს და ტყეებს შეაფარა თავი.

ჭყონიების ოჯახში დიდი ინტერესით ასრულებდნენ ტკბილ კახურ მრავალჟამიერ საცდელ გურულ ცეცხლოვან კრიმანჭულსაც. სწორედ იქ რომ გასაოცარმა ქართულმა ხალხურმა ჰანგებმა უბიძგეს ლამარა ჭყონიას სიმღერისადმი უსაზღვრო სიყვარულისკენ. უკვე სკოლის მოსწავლემ ბათუმის საქალაქო ოლიმპიადებზე მრავალჯერ ისახელა თავი. ხშირად გენის დალოცვითი ძალა ბედისწერაშიც ვლინდება. ასე მოხდა ლამარას შემთხვევაშიც. 1947 წელს თბილისიდან ჩასულმა კომისიამ რეკომენდაცია მისცა 17 წლის მომღერალს და იგი ცენტრალურ მუსიკალურ სკოლაში ჩაიბრუნდა. ამის შემდეგ სწავლას აგრძელებს თბილისის ვანო სარაჯიშვილის სახელობის კონსერვატორიაში ჯერ ვალერიან ქაშაკაშვილთან, შემდეგ კი გრიგოლ გოგიჩაძესთან. 1956 წელს მან წარმატებით დაამთავრა კონსერვატორია და ჩაირიცხა თბილისის ოპერის თეატრში სოლისტად. აი, აქედან იწყება ნიჭიერი მომღერლის აღმავალი შემოქმედებითი გზა. სულ მალე თეატრმა დადგა ფალიაშვილის ოპერა „დაისი“, სადაც მაროს პარტია თეატრის ხელმძღვანელობამ ლამარა ჭყონიას ანდო.

„დაისის“ შემდეგ ლამარა ჭყონიამ დიდი შინაგანი გზებით შესარულა ეთერის პარტია ფალიაშვილის „აბესალომ და ეთერში“. ამ როლში ქართველი ქალის ხალასი ბუნება, სულიერი სამყარო, უშუალობა განსაკუთრებით შეიგრძნო ახალგაზრდა მომღერალმა. მასზე წერდნენ: „გულიდან ამოხეთქილი, სევდიანი და მწუხარებით აღსავსე მისი სიმღერა მომავადღობლად შეიჭრა მსმენელის გრძობებ-

თბილისის ოპერის თეატრში სამი წელი ისე გავიდა, რომ მაროს და ეთერის პარტიების გარდა სხვა ახალი როლი არავინ შესთავაზა. დამწყები, ენერგიით აღსავსე და შესანიშნავი მონაცემების მქონე მომღერლისთვის უსამართლობა იქნებოდა სამი-ოთხი წელი მრავალფეროვანი რეპერტუარის გარეშე ყოფნა. თეატრშიც არაჯანსაღი სიტუაცია შეიქმნა. ასეთ დროს ხელისუფლებაში განსაკუთრებული ინსტიტუტი იღვიძებს, რათა ყველას დაუმტკიცოს საკუთარი შესაძლებლობები. ლამარა ჭყონია იძულებული გახდა, სხვა თეატრებში ეძებნა თავისი ადგილი. ასეთი კიევის ოპერისა და ბალეტის თეატრი აღმოჩნდა. თუმცა, არც აქ იყო იოლი შეღწევა. სიცრუე იქნებოდა მეტყვა, კიევეში თავიდანვე გულლიად მელოდნერო, — იხსენებდა შემდეგ ქალბატონი ლამარა. მომღერლის მიზნისკენ სწრაფვამ შედეგი გამოიღო და 1960 წელს იგი ჩაირიცხეს თეატრის სოლისტად. სწორედ კიევის საოპერო თეატრის კოლექტივთანაა დაკავშირებული ლამარა ჭყონიას, როგორც მომღერლის, თვალსაჩინო მიღწევები. არაერთი პარტია მოამზადა მან უკრაინის დედაქალაქის სცენაზე. ამ პერიოდში, 1960-68 წლებში გახდა იგი ვოკალისტთა სამი საერთაშორისო და ერთი საკავშირო კონკურსების ლაურეატი: „პრალის გაზაფხულის“, სოფლის ახალგაზრდა საოპერო მომღერალთა, ტოკიოს მიურა ტამაკისადმი მიძღვნილი მაღამ ბატერფლაის სახელობის (გრანპრი) და მოსკოვის გლინკას სახელობის კონკურსებში გამარჯვებამ საოპერო ხელოვნების მოყვარულებს ამცნო ახალი ვარსკვლავის დაბადება.

კიევეში ნაყოფიერი სამწლიანი მოღვაწეობის შემდეგ ახალგაზრდა ქართველი მომღერალს უკრაინის დამსახურებული არტისტის საპატიო ნიშნით მიენიჭა. ესოდენ ხანმოკლე პერიოდში ეს მაღალი ნიშნით აღსრულებული მსახიობს არ რგებია.

უკრაინაში მოღვაწეობის შემდეგ, უკვე საქვეყნოდ სახელგანთქმული მომღერალი, 1968 წელს თავის მშობლიურ თეატრს დაუბრუნდა თბილისში. რა თქმა უნდა, ფალიაშვილის სახელობის თეატრში დაბრუნება კიდევ უფრო ნაყოფიერი გამოდგა მისთვის, ეს იყო შემოქმედებითი სიმწიფის ხანა. წლების მანძილზე ქართველ მომღერალს დიდი ინტერესით უსმენდნენ როგორც საბჭოთა კავშირის რესპუბლიკებში, ისე მსოფლიოს სხვადას-

ხვა ქვეყანაში. თითქოს ახლაც ჩაგვესმის მისი მშვენიერი ლირიკულ-კოლორიული სობრანო, მუსიკალურ ნიჭთან შერწყმული სასიამოვნო გარეგნობით და არტისტულობით, საოცრად მოქნილი ვერცხლისებური ტემპრით, ინტონაციურად ზუსტი და ემოციური ჟღერადობით, უმაღლესი ოსტატობით შესრულებული ნაწარმოებები, რომელიც ადამიანის გონებიდან დიდხანს არ ქრება და მის შინაგან სულიერ სამყაროს განუწყვეტლივ ასაზრდოებს. ამ მხრივ განსაკუთრებით შთაბეჭდილი იყო ლამარა ჭყონიას მიერ შესრულებული სენსანსის „ვარდი და თუბუზი“, ვერნის „ჩიტების ვალსი“, ალიაბიევის და კრაპივინცის „ბულბული“, ტისტის „შენი ბაგენი“, ფორეს „პეპელა და ია“, რაველის „ხაბანერის ფორმის ვოკალიზი“. ასეთ დროს ჭყონია სრულად ეყრდნობოდა ცნობილი იტალიური „ბელკანტოს“ სტილის მღერადობას და ფართოდ იყენებდა ვოკალური შესრულებლობის სხვადასხვა მტრისებს და ხერხებს.

რამდენიმეწლიანი შემოქმედებითი საქმიანობის ხანაში მომღერლის რეპერტუარში თავი მოიყარა 40-მდე საოპერო პარტია, რომელთაგან უნდა აღინიშნოს: მარფა (რიმსკი-კორსაკოვის „მეფის საცოლუ“), ტატიანა, იოლანტა (ჩაიკოვსკის „ევგენი ონეგინი“, „იოლანტა“), ვიოლეტა (ვერდის „ტრავეიატა“), მანონი (მანსეს ამავე სახელწოდების ოპერა), მარგარიტა (გუნოს „ფალსტიმ“), დეზდემონა (ვერდის „ოტელო“), მიქაელა (ბიზეს „კარმენი“), როზინა (დონიცეტის „სევილიელი დალაქი“), სავიზიტო ბარათად ქცეული მაღამ ბატერფლაი (პუჩინის „ბოჩიო სანი“) და უამრავი სხვა. მის რეპერტუარში შედიოდა აგრეთვე 700-მდე არია, რომანსი და სიმღერა. ჭყონიამ განსაკუთრებული წვლილი შეიტანა ურთულესი კამერული საშემსრულებლო სფეროს განვითარება-პოპულარიზაციაში. ამ უანრში აღიარებული მომღერალი, მისი გასაოცარი სიმღერით შთაგონებულმა ქართველმა კომპოზიტორებმა, საგანგებოდ, არაერთი მუსიკალური ნაწარმოები მიუძღვნეს.

მრავალფეროვანი ჭყონიას სახელოვნებო პალატრა. მაძიებელმა ხელოვანმა იოლად აუღო ალლო ისეთ მუსიკალურ მიმართულებას, როგორც ოპერეტა. მან მუსიკალური კომედიის თეატრში წარმატებით შეასრულა ჩანტიას პარტია მილიუტინის ოპერეტა „ჩანტიას კოცნაში“.

ყველა წარსულ წარმატებებთან ერთად უნდა აღინიშნოს მომღერლის პედაგოგიური მიღწევები. საქართველოსა და ესპანეთში მის მიერ აღზრდილთა შორის უნდა დავასახელოთ ქალბატონი ლამარას ქალიშვილები ნატო და ეთერა, რომლებმაც ღირსეულად გააგრძელეს დედის ტრადიციები არა მარტო ჩვენში, არამედ საქართველოს ფარგლებს გარეთაც.

წლების განმავლობაში ჭყონია წარმატებულ საზოგადოებრივ საქმიანობასაც ეწეოდა: იყო თბილისის საქალაქო საბჭოსა და საბჭოთა კავშირის უმაღლესი საბჭოს დეპუტატი.

საქართველოს სსრ-ის არტისტის, პროფესორი ნოდარ ანდლუშაძე ქალბატონი ლამარას შესახებ წერდა: „ლამარა ჭყონია ყოფნა ქართველ და საბრტაშორის ხალხში ერთ-ერთი უარსნივანესი მომღერალია და ეტანა მომღერალთა ელიტის ისტორიაში, რაც საბრტო საბატოპრიო კულტურაში ჩვენი ერის კულტურულ შენაძინად შეიქმნა ჩაითვალოს“.

ქვეყნის წინაშე განსაკუთრებული დამსახურებისთვის ლამარა ჭყონიას მინიჭებული აქვს საბჭოთა კავშირის და საქართველოს სახალხო არტისტის საპატიო ნიშნები, დაჯილდოებულია ბრწყინვალეების საპრეზიდენტო, თამარ მეფის, წმინდა დიდმონაშე ბარბარეს და „საპატიო ნიშნის“ ორდენებით.

ამჟამად ქალბატონი ლამარა ესპანეთში ცხოვრობს. მაღლიერი ქართველი ხალხის სახელით სახელოვან მომღერალს ვუსურვებთ ხანგრძლივ სიცოცხლეს და სიმღერისგან მონიჭებულ ულევ სიხარულს.

**გელა ქოძიაშვილი,** საქართველოს კულტურის დამსახურებული მუშაკი, ვოკალისტთა კონკურსების ლაურეატი, ვანო სარაჯიშვილის ფონდის ვიცე-პრეზიდენტი





# აშშ-ში საქართველოს საელჩო ამერიკული „ტრამოს“ პირდაპირი ინვესტიციის მნიშვნელობაზე საუბრობს...

ამერიკაში საქართველოს საელჩო აშშ-საქართველოს ეკონომიკური ურთიერთობების 2019 წლის მიმოხილვას აქვეყნებს. მასში ამერიკული კომპანია „ტრამოს“ მიერ განხორციელებულ პირდაპირ ინვესტიციაზე საუბარი, რომელიც ბათუმში ტერმინალის მიმდინარე მშენებლობისთვის განხორციელდა.

„2019 წელს აშშ-საქართველოს ეკონომიკური ურთიერთობების განვითარების კენ მიმართული არაერთი ინიციატივა განხორციელდა. ამერიკულმა კერძო კომპანიებმა ქვეყანაში ყველაზე დიდ პროექტებში პირდაპირი ინვესტიციები ჩადეს. მათ შორის იყო აშშ-ის კერძო კომპანია „ტრამოს“. იგი საქართველოდან კასპიის ზღვამდე აყალიბებს სატვირთო ტერმინალების ქსელს, რომლის მიზანს მსოფლიოს ბაზრებისთვის მიწვევების მიწოდება წარმოადგენს.

ამ პროექტში ჩადებული ინვესტიციის მოცულობა 20 მლნ აშშ დოლარს აღემატება, რომელიც საქართველოში, კერძოდ ბათუმის პორტში მიწვევითი სასაწყობოებისთვის ახალი ტერმინალის მშენებლობას უნდა მოხმარდეს, - ნათქვამია ანგარიშში.

„ტრამოს“ მიერ განხორციელებული ინვესტიცია ასევე იმითაა მნიშვნელოვანი, რომ აჭარის რეგიონში პირველ პირდაპირ ამერიკულ ინვესტიციას წარმოადგენს.

ჯერ კიდევ გასულ წელს ცნობილმა ამერიკულმა გამოცემა „Forbs“-მა ვრცელი სტატია მიუძღვნა ბათუმის პორტის ტერმინალის მშენებლობას. ჟურნალისტი Joresa Blount ამ პროექტის, როგორც თანამედროვე „აბრეშუქის გზის“ მნიშვნელობაზე საუბრობდა, ასევე ამერი-



კული კომპანია „ტრამოს“ დაინტერესებასა და პარტნიორობაზე ამხვილებდა ყურადღებას: „ტრამოს“ ერთ-ერთი უდიდესი ამერიკული ტრეიდული კომპანიაა, რომელიც 1965 წელს დაარსდა და მსოფლიოს მასშტაბით უამრავ პროექტს ახორციელებს. 2011 წელს „Forbs“-მა „ტრამოს“ 500 უმსხვილეს კერძო ამერიკულ კომპანიას შორის 34-ე ადგილზე დაასახელა“ - ნათქვამი იყო სტატიაში.

უფრო ადრე რეგიონისთვის მნიშვნელოვანი ტერმინალის მშენებლობაზე

კონგრესმენებმა ალექსანდერ მუნიმ და ადამ კინზინგერმაც ისაუბრეს.

„ამერიკული ინვესტიცია მნიშვნელოვანია ქართულ-ამერიკული თანამშრომლობისთვის. ვუყურებ რა ამ პორტს და მომავალ პოტენციალს, ვხედავ, როგორ შეგვიძლია, გავაგრძელოთ და გავაძლიეროთ მრავალმხრივი ურთიერთობები, - იქნება ეს ეროვნული თუ ეკონომიკური უსაფრთხოება. ეს შექმნის სამუშაო ადგილებს, ხელს შეუწყობს ეკონომიკურ ზრდას“, - განაცხადა კინზინგერმა.



**„შურისძიება სასტიკი იქნება! რა ხდება იდლიზის პრეზიდენტიაში?“**

იდლიზის პროვინციაში მდგომარეობა უკიდურესად დაიძაბა. სირიის საჰაერო ძალებმა, რუსეთის ავიაციასთან ერთად, იდლიზის პროვინციაში თურქეთის სამხედრო კოლონაზე იერიში მიიტანა. საჰაერო იერიშს 33 თურქი სამხედრო ემსხვერპლა და 35-ზე მეტი ჯარისკაცი დაშავდა. მომხდარის საპასუხოდ თურქეთმა სირიის სამთავრობო პოზიციებზე იერიშის მიტანა დაიწყო.

რამდენიმე საათით ადრე კი რუსეთის თავდაცვის სამინისტრომ თურქეთი იდლიზის რეგიონში დროებითი იერიშების უკანონოდ განხორციელებაში დაადასაშუალა. ეს ბრალდება მას შემდეგ გაჟღერდა, რაც სირიელმა მეამბოხეებმა, რომელთაც მხარდაჭერას თურქეთი უწევს, ქალაქ სარაქებში მნიშვნელოვან გზაჯვარედინზე კონტროლის მოპოვების შესახებ განაცხადეს. რუსული მედია კი იუწყებოდა, რომ თურქი სამხედროები სარაქებო ჭურვებს იყენებდნენ რუსული და სირიული სამხედრო თვითმფრინავების ჩამოსაგდებად.

მომხდარის გამო, უშიშროების საბჭოს საგანგებო შეხვედრა მოიწვია პრეზიდენტმა რეჟიმ ტაიპ ერდოღანმა.

იდლიზში განვითარებულ პროცესებს ნატოს გენერალური მდივანი იენს სტოლტენბერგი გამოეხმაურა. იგი მოუწოდებს ასადის რეჟიმსა და რუსეთს, დაიცვან საერთაშორისო სამართლის ნორმები და მხარი დაუჭირონ სირიის კრიზისის დარეგულირების ძალისხმევას, რომელიც გაეროს ეგიდით ხორციელდება. სტოლტენბერგის თქმით, კონფლიქტში ჩართულმა მხარეებმა თავშეკავება უნდა გამოიჩინონ.

„ყველა მხარემ ხელი უნდა შეუწყოს დაძაბულობის შემცირებას და თავიდან აირიდონ ამ დაძაბვას სახიფათო გარემოების კიდევ უფრო გამწვავება და ის საშინელი ჰუმანიტარული ვითარება, რომელიც რეგიონში შეიქმნა“, - გა-

ნაცხადა სტოლტენბერგმა. იდლიზში ვითარების ესკალაციის გამო, გაეროს გენერალური მდივანი ანტონიო გუტერესი შეშფოთებას გამოთქვამს და მხარეებს ცეცხლის დაუყოვნებლივ შეწყვეტისკენ მოუწოდებს. გენერალური მდივანი შიშობს, რომ სამხედრო მოქმედებების ესკალაციის გამო მშვიდობიანი მოსახლეობა რისკის ქვეშაა.

„გენერალური მდივანი უკიდურესი შეშფოთებით ადგენებს თვალს ჩრდილოდასავლეთ სირიაში სიტუაციის ესკალაციას და ინფორმაციას ავიაირიშის შედეგად დაღუპული ათობით თურქი ჯარისკაცის შესახებ. გენერალური მდივანი კვლავ აგრძელებს მოწოდებას ცეცხლის დაუყოვნებლივ შეწყვეტის შესახებ და განსაკუთრებულ შეშფოთებას გამოთქვამს იმ რისკის გამო, რაც სამხედრო მოქმედებების ესკალაციის შედეგად მშვიდობიან მოსახლეობას ემუქრება“, - ნათქვამია გაეროს პრესსპიკერის განცხადებაში.

მომხდარის შესახებ შეშფოთებას გამოთქვამს ამერიკის შეერთებული შტატების სახელმწიფო დეპარტამენტი და მხარდაჭერას უცხადებს თურქეთს, როგორც მის ნატოელ მოკავშირეს.

„ჩვენ მხარს ვუჭერთ ჩვენს ნატოელ მოკავშირე თურქეთს. მოგუწოდებთ ასადის რეჟიმს, რუსეთისა და ირანის მიერ მხარდაჭერილ ძალებს, დაუყოვნებლივ შეწყვიტონ ეს საშინელი თავდასხმა“, - ნათქვამია განცხადებაში.

მიმდინარე დაძაბული მდგომარეობის ფონზე ერდოღანის მრჩეველმა მესუტ ჰაკინმა ქასინმა განაცხადა, რომ თურქეთი მზადაა რუსეთთან ომისთვის.

„რუსეთი, სადაც 25 მილიონი მუსლიმი ცხოვრობს შიგნიდან დაინგრევა. ჩვენ ადრე 16-ჯერ ვიომეთ რუსეთთან და ახლაც იმავეს გავაკეთებთ, ჩვენი შურისძიება ძალზე სასტიკი იქნება“, - განაცხადა ქასინმა.

## თურქეთის საჰაერო ღარტყემა...

„თურქეთის საჰაერო ძალებმა და არტილერიამ, იდლიზში სირიის არმიის 200-ზე მეტ სამიზნეს დაარტყეს“, - ამის შესახებ თურქეთის თავდაცვის მინისტრმა ჰულუსი აკარმა განაცხადა.

„სამხედრო და უპილოტო თვითმფრინავებისა და არტილერიის მუშაობის შედეგად, სირიის რეჟიმის 200-ზე მეტ ობიექტზე დარტყმა განხორციელდა. მონინალმდეგის რიგებში განადგურებულია 5 თვითმფრინავი, 23 ტანკი და 10 ჯავშანტექნიკა“, - განაცხადა ჰულუსი აკარმა და დასძინა, რომ ასევე განადგურებულია 23 ერთეული საარტილერიო იარაღი და საჰაერო თავდაცვის სისტემის 2 კომპლექსი. თურქეთის თავდაცვის მინისტრმა ხაზი გაუსვა იმ ფაქტსაც, რომ „განეიტრალებულია სირიის არმიის 309 მეტრძოლი. იდლიზში თურქეთის საჰაერო ძალების შეტევები კი შემუშავებული გეგმის მიხედვით ხორციელდება“.

## ნატო საბანგოპო კონსულტაციებს გააპრტავს

თურქეთის მოთხოვნით, ნატოს ჩრდილოატლანტიკური საბჭო საგანგებო კონსულტაციებს გამართავს. კონსულტაციებში ალიანსის წევრი ქვეყნების ელჩები მიიღებენ მონაწილეობას.

როგორც ნატოს გენერალურმა მდივანმა იენს სტოლტენბერგმა განაცხადა, კონსულტაციების გამართვას ნატოს წესდების მეოთხე მუხლი ითვალისწინებს.

ნატოს მეოთხე წესდების მიხედვით, თუ ალიანსის წევრი რომელიმე ქვეყანა ჩათვლის, რომ მას საფრთხე ემუქრება, უფლება აქვს, ნატოს პარტნიორებთან კონსულტაციების გამართვა მოითხოვოს.

## რუსეთის სოპალდაპი ხმელთაშუა ზღვაში დასაირობენ

რუსეთის შავი ზღვის ფლოტის ფრეგატები ბოსფორისა და დარდანელის სრუტის გავლით, ხმელთაშუა ზღვაში გადაადგილდებიან. ამის შესახებ ინფორმაციას რუსეთის შავი ზღვის ფლოტის ნარმომადგენლები ავრცილებენ.

„შავი ზღვის ფლოტის ორი ფრეგატი ბოსფორისა და დარდანელის სრუტეს გაივლის და ხმელთაშუა ზღვაში შევა. ფრეგატები „ადმირალი მაკაროვი“ და „ადმირალი გრიგოროვიჩი“, რომლებიც სარაკეტო კომპლექს „კალიბრით“ არიან აღჭურვილი, სევასტოპოლიდან ხმელთაშუა ზღვაში გემგურ გადასვლას ახორციელებენ. ისინი შეუერთდებიან ხმელთაშუა ზღვაში მუდმივად დისლოცირებული გემების ჯგუფს“, - ნათქვამია რუსეთის შავი ზღვის ფლოტის ნარმომადგენელთა განცხადებაში. რუსული გემების ხმელთაშუა ზღვაში გადაადგილება იმ ფონზე ხდება, როდესაც სირიის პროვინცია იდლიზში ვითარება უკიდურესად არის გამწვავებული.

## თურქეთიდან აპროკავშირის მიმართულებით ასოპიო ლტოლვილი დაიძრა

ასობით ლტოლვილი საბერძნეთისა და ბულგარეთის საზღვრისკენ მიემართება. შეგახსნებთ, რომ მანამდე თურქეთის მთავრობამ განაცხადა: იდლიზში ვითარების დაძაბვის შემდეგ ანკარა სირიელი ლტოლვილებს ევროპისკენ გადაადგილების საშუალებას მისცემს.

თურქული მედიის ცნობით, ევროკავშირის წევრი სახელმწიფოების საზღვრის სიახლოვეს 300 მიგრანტი იმყოფება. მათ შორის არიან ქალები და ბავშვები. ლტოლვილები წარმოშობით სირიიდან, ირანიდან, ერაყიდან, პაკისტანიდან და მაროკოდანაა.

ამასთან სააგენტო „როიტერი“ აღნიშნავს, რომ საზღვრებისკენ მიმავალი ლტოლვილების კადრები თურქეთის მედიამ გაავრცელა და მათი ავთენტურობის დადგენა ვერ ხერხდება.





# რას ჭაბენ თბილისის უფასო სასადილოებში 1 ლარად და 30 თეთრად?

„უფასო“ სადილი წინასწარ შედგენილი მენიუს მიხედვით მზადდება – ცხელი წვნიანი, გარნირი, კომპოტი და პური. ბენეფიციარების უმეტესობა სასადილოში არ ჭამს – აქ ჩანთებში ჩაწყობილი ქილვებით და ყუთებით მოდიან, ავსებენ და სახლში მიაქვთ ოჯახის ყველა წევრისთვის. ის, ვინც სასადილოშივე ჭამს, როგორც წესი, მარტოხელაა. არიან ისეთებიც, ვისაც სახლში შეიძლება, არ ჰქონდეს გაზი, ელექტროენერჯია, ქურა და თბილი სადილის იქვე ჭამა ურჩევნია – სითბოში.

## მეტი, ვიდრე სასადილო

უფასო სასადილოები ძირითადად პატარა ფართობისაა განთავსებული და გათვლილია იმაზე, რომ უმეტესობა, ვინც აქ საკვებისთვის მოდის, დიდხანს არ ჩერდება. ყველა, ვინც აქ ჭამს, აღრიცხვის ელექტრონულ სისტემაშია ჩართული – ბარათით ადასტურებს, რომ რეგულარულად იღებს საკვებს. თუ რამდენიმე დღეს გამოტოვებს, ამოვარდება და მის ადგილს სხვა დაიკავებს მომლოდინეთა სიიდან. 72 წლის ცირა ყოველ ოთხშაბათს და პარასკევს თავისი მეზობლის ნაცვლად მოდის მისი საკვების წასაღებად – ამ დღეებში ის მუშაობს. ცირას ამ სიკეთის სანაცვლოდ მეზობელი პურს უყოფს, ეგვეც შეღავათიან, ამბობს.

მუნიციპალური სასადილოები საკვებთან ერთად ახალი ამბების გაცვლის, მეზობლების მოკითხვის, დარდების გაზიარების ადგილია. მზარეული დიდუბის სასადილოდან გვიყვება, რომ ადრე, როცა ვარკეთილში მუშაობდა, იყო შემთხვევები, როცა მოხუცებს ოჯახური ძალადობისგან თავის დასაღწევად ადგილად სასადილო ეგულვებოდათ. „შეიღებო დასდევდნენ, ეჩხუბებოდნენ და სცემდნენ მოხუცებს, რომ პენსია და სოციალური დახმარება მათთვის მიეცათ. რამდენი შეგვიფარებია, ვინ იცის“, – ამბობს ის.

მზარეულებმა იციან ყველაფერი – ვის არ აუნაზღაურა საყოველთაო დაზღვევამ ექიმთან საჭირო სამედიცინო სერვისის ღირებულება, ვინ ვერ ახერხებს გამოსვლას სახლიდან საქმლის წასაღებად, ვინ ახერხებს, ისე იმუშაოს, რომ სოციალური შემწეობაც შეინარჩუნოს და უფასო საკვებშიც. თან საქმელს ანაწილებენ, თან რჩევებს არიგებენ: როგორ ებრძოლო გაცივებას, როგორ მოითხოვო კომპენსაცია, თუკი სამუშაოზე დაშვებები ან ავტოგარაბაში შენი ოჯახის წევრი დაშვებდა და ასე, იმის მიხედვით, ვინ რა სადარდებით მივა საქმლის წამოსაღებად.

## მენიულან ამოვარდა ფუნთუშა, ყველი და სხვა პროდუქტები...

უფასო სასადილოებში მზარეულებიც და ბენეფიციარებიც დანაწილებით ამბობენ, რომ პროდუქტებზე ფასების ზრდამ მენიუც შეცვალა და ასე გაქრა სხვადასხვა დროს დღის ულუფიდან ფუნთუშები, კვერცხი, სალათი, ყველი და სხვა საკვები, რომელსაც 1,30 ლარი აღარ ჰყოფნის.

საქსტატის მონაცემებით, 2020 წლის იანვარში წლიური ინფლაციის მაჩვენებელი 6,4% იყო. ამავე წყაროს მიხედვით, სურსათსა და უალკოჰოლო სასმელებზე ერთი წლის განმავლობაში ფასები გაიზარდა 11,3 პროცენტით, ხილზე ფასები გაზრდილია 28%-ით, რძეზე, ყველსა და კვერცხზე – 15%-ით, ხორცსა და ხორცის პროდუქტებზე – 14,2%-ით, ბოსტნეულსა და ბალჩეულზე – 7%-ით. გაძვირდა პურიც – 5%-ით.

როგორ ახერხებენ მაღალი ინფლაციის პირობებში გამგეობები და მათი კონტრაქტორი კომპანიები სადილის წლების წინათ დადგენილი ფასით მომზადებას, ამაზე მკაფიო პასუხი არ არსებობს.

## და მაინც, როგორ მუშაობს კონტრაქტორები?

თბილისის მერიამ ამბობენ, რომ ერთ ბენეფიციარზე დღიური კვების თანხას ტენდერი განსაზღვრავს. თბილისის მერიის სოციალური მომსახურების სამსახურში კითხვას იმის შესა-

ხებ, რამდენად რეალისტურია სრულფასოვანი სადილის უზრუნველყოფა 1 ლარად და 30 თეთრად და როგორ ხერხდება, რომ ეს ფასი წლების განმავლობაში არ იცვლება, არ პასუხობენ. სამსახურში, სადაც ღია წყაროების მიხედვით 10-მდე ადამიანი მუშაობს, პასუხზე უარს იმით ხსნიან, რომ სასადილოების კვებას გამგეობები უზრუნველყოფენ და ტენდერებსაც ისინი ატარებენ. ტენდერებში კი წლიდან წლამდე ერთი და იგივე კომპანიები მონაწილეობენ და იგებენ ძირითადად დაბალი კონკურენციის პირობებში.

სახელმწიფო შესყიდვების მარტივი ანალიზის მიხედვით ცხადი ხდება, რომ რამდენიმე კომპანია, რომელიც უფასო სასადილოების ტენდერებს იგებს, ყოველ წელს ერთსა და იმავე უბანში გამოცხადებულ ტენდერში მონაწილე-



ობს და რაც შემთხვევებში იგებს ან ძველ ხელშეკრულებას იგრძელებს.

გამგეობების კონტრაქტორი კომპანიები ამბობენ, რომ ამ საქმეში გამოცდილებას დიდი მნიშვნელობა აქვს და, გარდა ამისა, როცა ერთ უბანში უკვე „ანყობილი“ გაქვს სასადილო, ახალბედებთან შედარებით უპირატესობას ფლობ, ხარჯი ნაკლებია, მოგების შანსი – მეტი.

განსხვავებულია ტენდერებში მონაწილე კომპანიების სტრატეგია, რომლის მიხედვითაც ისინი მინიმალური დანახარჯით ახერხებენ უფასო სასადილოების მომარაგებას.

მაგალითად, კომპანია „თარი-08“-ის ხელმძღვანელი თამილა მელითაური ამბობს, რომ საკვებისთვის საჭირო პროდუქტის დიდ ნაწილს, ბოსტნეულს და ხილს, უკვე წლებია, თავისი ნაცნობებისა და ახლობლებისგან ყიდულობს, რომლებიც თბილისთან ახლოს დიდი ფართობის მიწებს ამუშავებენ. „ყველას ანყობს ასე, ისინი რეალიზაციაზე აღარ ფიქრობენ, მე უფრო იაფად ვყიდულობ კარგ პროდუქტს, ვიდრე ბაზარში ვიყიდი“, – ამბობს თამილა მელითაური.

კომპანია „ალადაშვილები და კომპანია“ რომელიც მთაწმინდის, კრწანისის და ჩუღურეთის რაიონში მცხოვრები სოციალურად დაუცველების კვებაზეა პასუხისმგებელი, მასზე გამოწერილი ჯარიმების მიხედვით უფრო ნაკლებ საკვებს ამზადებს, ვიდრე მისი ვალდებუ-

ლება აქვს. 2019 წელს კომპანია იმის გამო დაჯარიმდა, რომ კოჯორში, იუნკრების ქუჩა №30-ში არსებულ უფასო მუნიციპალურ სასადილოში საკვებს სასწორის გარეშე გასცემდა, თვალის ზომით და, შესაბამისად, უფრო მცირე ულუფებს.

ამავე სასადილოში მოქალაქეებისთვის განკუთვნილი ქათმის ხორცი მაცივარში იხოვეს გამოუყენებელი რამდენიმე დღის შემდეგ – ასეთი დარღვევებისთვის კონტრაქტორი კომპანია ჯარიმდება 500 ლარით. „ალადაშვილები და კომპანია“ 2019 წელს კიდევ ერთი ჯარიმა ექვემდებარება – ჩუღურეთის რაიონში, სააკაძის 50 ნომერში მდებარე 500 ადამიანისთვის გათვლილ სასადილოში საკვები იმაზე ცოტა მზადდებოდა, ვიდრე ეს კონტრაქტით იყო გათვალისწინებული. ჯა-

რიმამ ამ შემთხვევაშიც 500 ლარი შეადგინა.

არსებობს კიდევ ერთი კომპანია, რომელიც უფასო სასადილოების ტენდერებში სისტემატურად და დაბალი კონკურენციის პირობებში იმარჯვებს – კომპანია „ილი“. მისი სამივე დამფუძნებელიც, იაშა ჩაჩუა, ლაშა უღრელიძე და იუზა ჯოჯოხიძე სალომე ზურაბიშვილის საარჩევნო კამპანიისას მსხვილ შემომწირველთა შორის იქნებნენ.

შემომწირულობების პარალელურად, 2018 წლის დეკემბერში კომპანია „ილი“ სამგორისა და ნაძალადევის რაიონებში მოიგო უფასო სასადილოების ტენდერები; კომპანიის დირექტორმა იაშა ჩაჩუამ, ჩვენი მცდელობის მიუხედავად, რადიო „თავისუფლებასთან“ საუბარი არ ისურვა და გვითხრა, რომ ამ თემაზე განმარტება არაერთხელ გაუკეთებია, თუ რამე გვინტერესებს, შეგვიძლია, ტელევიზორში „მისი კომენტარები ვნახოთ და გადავახვიოთ“.

არასაკმარისი ულუფების გაცემისა და მომზადების გამო ჯარიმის გადახდა მოუწია 2018 წელს შპს „ილსაც“. საჯარიმო წერილში მითითებულია, რომ „ბენეფიციართა მომსახურებისას არ ხდება მათთვის მენიუთი განსაზღვრული ულუფების ოდენობის აწონვა და გაცემა, ამასთან, ულუფების მნიშვნელოვანი ნაწილი მომზადებული იქნა მას შემდეგ, რაც ადგილზე გამოცხადდნენ თბილისის მუნიციპალიტეტის მერიის შიდა აუდიტისა და მონიტორინგის საქალაქო სამსახურის წარმომადგენლები“.

## წლიდან წლამდე იზრდება იმ ალკოჰოლი რიხსში, ვინც სასადილოებში იკვებება

თბილისში უფასო სასადილოების ბენეფიციარების რაოდენობა და, შესაბამისად, დაფინანსებაც წლიდან წლამდე მზარდია. 2013 წელს უფასო სასადილოებით 22 361 ადამიანი სარგებლობდა, 2017 წელს 22 361, დღეს მათი რიცხვი 40 ათასზე მეტია.

კომპანია „თარი-08“-ის დირექტორი თამილა მელითაური, რომელიც უკვე წლებია, არაერთ მუნიციპალურ სასადილოს ამუშავებს, იხსენებს, რომ 1995 წელს, როცა პირველი უფასო სასადილო გაიხსნა, ადამიანებს ერიდებოდათ და რცხვენოდათ აქ მისვლა. დროთა განმავლობაში მდგომარეობა შეიცვალა და დღეს სასადილოში საკვების მისაღებად უფრო მარტივად დადიან. ის, რაც თითქმის არ იზრდება, თითოეულ ბენეფიციარზე გამოყოფილი თანხა – 1,18 თეთრი, რაც 2011 წელს იყო გამოყოფილი, იმ დროისთვის 0,86 დოლარი გამოდიოდა, დღეს გამოყოფილი 1,30 თეთრი კი, 2020 წელს არსებული კურსით, 0,46 დოლარია.

ადამიანების უმეტესობა, ვინც ამ ფასად საკვებს იღებს, ამბობს, რომ ამ შესაძლებლობის არსებობით მაინც ვეცხოვრობა. 78 წლის მათილა, რომელიც მარტო ცხოვრობს მეუღლის გარდაცვალების მერე, ამბობს, რომ ყოველთვის შეიძლება სახლში მომზადებული საჭმელიც არ იყოს კარგი და საკმარისი, მაგრამ მეტი გზა არ გქონდეს. როცა პენსია საჭმელს არ ყოფნის და შეგიძლია მშვიდი არ იყო, კარგიაო, ამბობს ის.

„ეკონომიკურად ძალიან შეზღუდული ვარ, ჩემს შვილს ორივე თირკმელი გათიშული აქვს, დიალიზზეა, იმას რა უნდა მოვხსოვო. ცოტა ხნის წინათ ხელი მომტყდა და აღმოჩნდა, რომ ოპერაციის თანხის ნაწილი მე უნდა გადამეხადა. ძლივს ვიშოვე 140 ლარი. ასეთი ცხოვრება მაქვს, როგორ გგონიათ, მოსაწონია თუ არა? აქ რომ მიწვეს მოსვლა, უკვე არ მომწონს, მაგრამ მერე ამას მთელი დღე ვანაწილებ და ვცხოვრობ ვერე“.

2018 წელს თბილისის მერიის სარეზერვო ფონდიდან 2 000 ლარი მიიღო საქართველოს ნუტრიციოლოგთა ეროვნულმა ასოციაციამ უფასო სასადილოების მომსახურების გაუმჯობესებისა და უკეთ ფუნქციონირების მიზნით, ახალი „სასადილო პაკეტის“ შესამუშავებლად. მიუხედავად ამისა, 2018 წლამდე შედგენილი მენიუ თითქმის იდენტურია 2018 წლის შემდეგ მოქმედი მენიუებისა.

## რატომ არ არიან პროგრამაში 6 წლამდე ბავშვები?

უფასო სასადილოების სერვისი არ ვრცელდება 6 წლამდე ასაკის ბავშვებზე.

2015 წელს „საერთაშორისო გამჭვირვალობა – საქართველოს“ ერთ-ერთი რეკომენდაცია უფასო სასადილოებთან დაკავშირებით მუნიციპალიტეტისთვის მათი პროგრამაში ჩართვა იყო, გამომდინარე იქიდან, რომ მცირეწლოვანი ბავშვების გამოკვება სოციალურად დაუცველი ოჯახებისთვის მძიმე ფიზიკური ტვირთია.

უფასო სასადილოებში 6 წლამდე ბავშვებისთვის პროგრამაში ჩაურთველობა იმით აიხსნება, რომ ამ ასაკის ბავშვებს უფრო სრულფასოვანი კვება საბავშვო ბაღებში შეუძლიათ. თუ უფასო სასადილოების ვიზიტორებს დააკვირდებით, ნახავთ, რომ აქატორი საკვებით პროგრამის მიღმა დარჩენილი ბავშვებიც სარგებლობენ. მაგალითად, 78 წლის სათი, რომელიც უკვე 3 წელზე მეტია ჩუღურეთის ერთ-ერთ სასადილოში დადის სადილისთვის, აქ სკოლაში მიმავალ შვილიშვილებთან ერთად მოდის ხოლმე – მოხუცს დიაბეტი აქვს, წვინანს თვითონ ჭამს, პურს და კომპოტს ბავშვებს ატანს.

ნანტსანია არაბული

## აბაშაში საზოგადოებრივი ცენტრი გაიხსნა

იუსტიციის მინისტრმა თეა წულუკიანმა აბაშაში 76-ე საზოგადოებრივი ცენტრი გახსნა. მინისტრმა მოსახლეობას სიტყვით მიმართა, ცენტრის გახსნა მიულოცა და აღნიშნა, რომ საზოგადოებრივი ცენტრი აბაშისა და მიმდებარე 36 სოფლის 23 000 მეტ მცხოვრებს მოემსახურება.

მისივე თქმით, საზოგადოებრივი ცენტრის გახსნით ადგილობრივ მოსახლეობას საშუალება ეძლევა, კომფორტულ გარემოში, ადგილიდან გაუსვლელად, სწრაფად ისარგებლოს სახელმწიფო და კერძო სექტორის 200-ზე მეტი მომსახურებით.





რაზი



ახალი დროით

რაზი ვეროპის 2020 წლის ჩემპიონატის ფინალურ ტურში „ბორჯღალოსნები“ რუსეთის ნაკრებს მესხის სტადიონზე შეერკინებინა. დაანონსებული 18-ის ნაცვლად მატჩი 16 საათზე დაიწყო.

ბამ გამოიწვია. აღნიშნული ობიექტის ადმინისტრაცია ვერ იძლევა გარანტიას, რომ ბრძოლის მსვლელობისას სტადიონის განათება მწყობრიდან არ გამოვა!

კობა კობახიძე

ლეგიონერი

კაპიტნის ფაქტორი

ისპანურმა „ბასკონიამ“ ევროლიგის 26-ე ტურში ბელგრადის „ცრვენა ზვებდას“ უმასპინძლა და მნიშვნელოვანი გამარჯვება მოიპოვა.

დელ შევონ შილდსს (23) ჩამორჩა. სამაგიეროდ, 18 ქულით ბასკების კაპიტანი მატჩის საუკეთესო ბომბარდირი გახდა.

ვიტალი ჯაფარიძე



საფეხურთო მოზაიკა



მრთა ლიგის ნახევარფინალამდე თვეზე ნაკლები დრო დარჩა და თუ საქართველოს ეროვნული ნაკრები ბელარუსის ბარიერს დაძლევა, მისი მეტოქე კოსოვოსა და ჩრდილოეთ მაკედონიის გუნდებს შორის გამარჯვებული იქნება.

მნიშვნელოვან მატჩამდე კოსოვოს ფეხბურთის ფედერაცია უპრეზიდენტოდ დარჩა. 58 წლის ჩინოვიკ აგიმ ადემს ქრთამის ადებისა და ყალბი დოკუმენტების დამზადებისთვის 9-თვიანი პატიმრობა ემუქრება.

პრეზიდენტის პროკურატურის მიერ გავრცელებული ინფორმაციით, ადემი თანამშრომლებთან ერთად ერთ-ერთ ბიზნესმენს 30 ათასი ევროს ქრთამის სახით ალბას აიძულებდა, სანაცვლოდ კი ყალბი დოკუმენტების დამზადებას სთხოვდა.

შეგახსენებთ, რომ 2018 წლის ივლისში ადემი კოსოვოს ფეხბურთის ფედერაციის პრეზიდენტად მას შემდეგ აირჩიეს, რაც მისი წინამორბედი ფადილ ვოკრი გარდაიცვალა, მანამდე კი ის ფედერაციის ვიცე-პრეზიდენტი იყო.

მსოფლიო ფეხბურთის მმართველმა ორგანიზაციამ (FIFA) სატრანსფერო პოლიტიკის შეცვლა დაანონსა. როგორც FIFA-ს ოფიციალური ვებ-გვერდი იუწყება, განათხოვრებულ მოთამაშეთა რაოდენობა მომავალ წლებში ლიმიტირებული იქნება.

კერძოდ, FIFA-ს განცხადებაში ნათქვამია, რომ 2020 წლიდან კლუბები რვაზე მეტ ფეხბურთელს იჯარის წესით ვერ გაუშვებენ. ასევე, 2022/23 წლების სეზონიდან გუნდები ექვსზე მეტ მოთამაშეს ვერ გაანათხოვრებენ. ამავდროულად, აიკრძალება ორმა კლუბმა ერთმანეთში სამ-სამი ფეხბურთელი იჯარის წესით გაცვალოს.

ირანში 23 წლის გოგონა კორონავირუსით გარდაიცვალა. იგი იქაურ ფუტსალის ქალთა ნაკრებში თამაშობდა.

ელჰამ შეიხს თეირანიდან 140 კმ-ით დაშორებულ ქალაქ კომში აღმოაჩნდა ინფექცია და, სამწუხაროდ, მისი გამოჯანმრთელება ვერ მოხერხდა.



ელჰამს დიაგნოზი 10 დღის წინათ დაუდგინეს, მაგრამ კორონავირუსთან ბრძოლაში დამარცხდა. სტატისტიკის თანახმად, 23 წლის ასაკში კორონავირუსი სიკვდილიანობას მხოლოდ 0.2%-ით იწვევს, თუმცა, ამჯერად ირანელი გოგონას სიცოცხლე ტრაგიკულად დასრულდა.

იტალიური სერია A-ს მოთამაშე პირველი პროფესიონალი ფეხბურთელი გახდა, რომელსაც კორონავირუსი აღმოუჩინეს - გვამცნობს Sport.es.

ავადმყოფის გვარი არ საჯაროვდება - ცნობილია მხოლოდ ის, რომ სიენის პროვინციიდან არის. გასულ კვირას იგი თავისი გუნდის განაცხადში არ შეიყვანეს სიციხისა და სუნთქვის უკმა-რისობის მიზეზით, ხოლო მოგვიანებით გამოიკვლიეს, კორონავირუსი დაუდგინეს და სასწრაფო დახმარებამ ის სიენის ინფექციურ სავადმყოფოში გადაიყვანა.

შეგახსენებთ, რომ აპენინებზე კორონავირუსის აფეთქება 23 თებერვლიდან დადასტურდა. ბოლო ინფორმაციით, იქ ამჟამად 453 ადამიანი ინფიცირებული, 12 კი გარდაიცვალა.

„უდინეზი“ - „ფიორენტინა“, „მილანი“ - „ჯენოა“, „პარმა“ - „სპალი“ და „სასუოლო“ - „ბრეშა“.

შეგახსენებთ, რომ „იუვენტუსი“ და „ინტერი“ სკუდეტოსთვის ბრძოლაში კონკურენტები არიან და „ბეზერი ქალბატონი“ 6-ქულიანი უპირატესობას ფლობს, თუმცა, ერთი თამაშით მეტიც აქვს ჩატარებული. საჩემპიონო დაპირისპირება უმაყურებლოდ 1 მარტს თბილისის დროით 23:45 საათზე დაიწყება.

გიორგი შოთაძე

პარაკვლავი - შარაპოვამ დაასრულა...

მსოფლიოს ყოფილი პირველი ჩოგანმა და დიდი სლემის ტურნირების ხუთგზის ჩემპიონმა მარია შარაპოვამ აქტიური სპორტული კარიერა დაასრულა. ამის შესახებ 32 წლის რუსმა ოფიციალური განცხადება გააკეთა.

„მინდა, ბოდიში მოგიხადოთ. ჩოგბურთო, გეუბნები - მშვიდობით! ჩემი ცხოვრება ჩოგბურთს მიეცა და ჩოგბურთმა თავისი ცხოვრება მომცა. ყოველდღე მომენატრება“, - თქვა მარიამ.



შარაპოვამ კარიერაში ხუთჯერ მოიგო დიდი სლემის ტურნირი: 2004 წელს - უიმბლდონი, 2006 წელს - ამერიკის ღია პირველობა, 2008 წელს - ავსტრალიის ღია პირველობა, ხოლო 2012 და 2014 წლებში - როლან გაროსი. გარდა ამისა, 2012 წელს ლონდონის ოლიმპიადაზე ვერცხლის მედალს დაეუფლა.

მან კარიერის ბოლო შესვენება იანვარში ავსტრალიის ღია პირველობაზე ჩაატარა, სადაც დონა ვეკინთან 3:6, 4:6 და-მარცხდა.

კაჟან დოლიძე

ინტერნეტიდან - პოპულარობის საიდუმლო

სლოვენელი კალათბურთელი ლუკა დონჩიჩის გულისსწორი, მოდელი ანამარია გოლტესი უკანასკნელ პერიოდში ნამეტნავად პოპულარული შეიქნა და ამერიკის შეერთებულ შტატებში ბულვარული გამოცემა არ დარჩა, სადაც ამ გოგონას ფოტოები არ იყოს გამოქიმილებული.

კალათბურთის მოყვარულთა ერთი ნაწილი ტურფის პოპულარობას აშშ-ში ლუკას უდავოდ წარმატებულ გარჯას უკავშირებს და იმასაც ამბობს, რომ დონჩიჩის ყველა შესანიშნავი გამოსვლა ანამარიას ცნობადობის პირდაპირპორციულიაო, მაგრამ ობიექტურები რომ ვიყოთ, ამ ასულის შესაძლებლობებიც არ უნდა დაგვრჩეს თვალდაუდგამი.

გოლტესი ვერ კიდევ ლუკასთან შეხვედრამდე ითვლებოდა პერსპექტიულ მოდელად და შეერთებულ შტატებში მას მრავალ საინტერესო ჩვენებაში ჰქონდა მონაწილეობა მიღებული. ესეც არ იყოს - როგორც ცაში ვარსკვლავები არ ითვლება და იზომება, ისე ზუსტად ვერასოდეს ჩავწვდებით პოპულარობის სათავესა და საწყისებს.

მანუჩარ გიორგაძე





კონსპიროლოგია

კორონავირუსის ვისტიკური გაეოსანა

მსოფლიო ჯანდაცვის ორგანიზაციის ხელმძღვანელის თიეროს ჰიბერისის ალიარებით, ჯერჯერობით ზუსტად უცნობია, თუ სად არის კორონავირუსით დაავადების კერები და როგორ გადაეცემა ის ადამიანებს.

პირველი ვერსიით, სნეულების კერას ლამურები და გველები წარმოადგენენ. ჩინელმა მეცნიერებმა ველურ ცხოველთა ათასზე მეტი გენეტიკური ნიმუში შეისწავლეს, რის შედეგადაც დადგინდა, რომ მიაგნეს ინფექციის შუალედური რგოლის მატარებელს: ესაა ქინაჭველა-ჭამიას ერთ-ერთი სახეობა - პანგოლინი, რომელიც დედამიწაზე 60 მილიონი წლის წინათ გაჩნდა. პანგოლინი პლანეტაზე ერთადერთი ცხოველი, რომელიც მთლიანად ქერცლითაა დაფარული. მის ორგანიზმში აღმოჩენილი შტამი 99 პროცენტით იდენტურია კორონავირუსით დაავადებულ ადამიანებში აღმოჩენილისა.

ამასთან დაკავშირებით, ცნობისმოყვარე და კირკიტა უურნალისტებმა ცნობილი ამერიკული უურნალის „ეკონომისტის“ გარეკან-პროგნოზი გაიხსენეს - „მსოფლიო 2019 წელს“. სოციალურ ქსელში ეს გარეკანი ასეა აღწერილი: „ზედა მხარეს გამოსახულია პანდა (ბამბუკის დათვი, რომელიც ჩინეთს განასახიერებს, - რედ.), რომელსაც აღმოსავლეთიდან აპოკალიფსის ოთხი მხედარი - ჭირი (კორონავირუსის ეპიდემია), ომი (სირია, ლიბია, ავღანეთი), შიმშილი (სურათის უკმარისობა ეპიდემიისა და საზღვრების ჩაკეტვის გამო) და სიკვდილი (ეპიდემიისგან და ომებისგან). მაგრამ ყველაზე საგულისხმო დეტალია გარე ყდაზე მეტად უცნაური ცხოველის - პანგოლინის - გამოსახულება!

თუ გავითვალისწინებთ, რომ კორონავირუსის ეპიდემია ჩინეთში 2019 წლის



დეკემბერში დაიწყო, უურნალ „ეკონომისტის“ გარეკანს ნინასნარმეტყველური გამოდის, რადგან პანგოლინის იქ გაჩენა სრულიად არაარგუმენტირებულად ჩანდა, ვიდრე 2020 წლის 7 თებერვალს არ გამოცხადდა, რომ პანგოლინისა და დაავადებულ ადამიანთა კორონავირუსის მატარებლები პრაქტიკულად იდენტურია.

ამასთან დაკავშირებით, ბევრს ასეთი დასკვნა გამოაქვს: გავლენიანი ბრიტანული ყოველკვირეული გამოცემა „ეკონომისტის“ როტშილდების, მსოფლიოში უხუცესი ფინანსური კლანის აზრის ერთ-ერთი მთავარი რუპორია, რომელთაც ასევე სამყაროს ფარულ მმართველებს, ეგრეთ წოდებული „ოქროს მილიარდის“ მწვერვალს უწოდებენ.

კონსპიროლოგიაში მიღებული აზრით, დედამიწაზე სადღეისოდ დარჩენილი რესურსები მხოლოდ მსოფლიო ელიტისთვის და მისი მომსახურე პერსონალისთვისაა საკმარისი - „ოქროს მილიარდაც“ სწორედ ეს ადამიანები შეადგენენ. დანარჩენი მოსახლეობისგან „პლანეტის გაცლა“ კი მსოფლიოს ფარულმა ბატონებმა, თითქოსდა ომების, შიმშილობისა და ეპიდემიების დახმარებით გადაწყვიტეს. ჰოდა, ახალი ეპიდემიაც სწორედ მათი „შემოგდებულია“, რის შესახებ თავიანთ ხალხს თითქოს დაშიფრული გარეყდით შეატყობინეს...

არადა, ამ იდეალურ გარეკანზე პანგოლინის გამოჩენას საქმეში ჩახედული ხალხი იმით ხსნის, რომ უურნალში იშვიათი და გადამენების პირას მდგარი ცხოველებით ვაჭრობასთან დაკავშირებით საგანგებო სტატია იყო გამოქვეყნებული. მასალის ერთ-ერთი პასაჟი 2018 წლიდან ჩინეთის მიერ სპილოს ძვლითა და მისგან დამზადებული ნაკეთობებით ვაჭრობის აკრძალვაა. სწორედ ამის გამო, რომ სპილოს ძვლით ზოგიერთი მოვაჭრე პანგელინების შევ ბაზარზე გადაერთო: ამ ცხოველთა ხორციც ფასობს და სამკურნალო თვისებების მქონე ქერცლიც, რის გამოც ეს ქინაჭველაჭამიები სადღეისოდ მსოფლიოში გადამენების პირას მყოფი ყველაზე გაყიდვადი სახეობაა.

იმის მიუხედავად, რომ პანგოლინებზე ნადირობა ჩინეთში აკრძალულია, ვინაიდან მისი ქერცლი ხალხურ მედიცინაში ასთმისა და კიბოს სამკურნალოდ, ასევე პოტენციური ასამალეულად და მრავალი სხვა მიზნისთვის გამოიყენება, ხორცი კი რესტორნებში ჩუმად, ძალიან ძვირად იყიდება, ისინი ბრაკონიერების მუდმივ სამიზნეს წარმოადგენენ.

ველური ბუნების დაცვის საერთაშორისო კავშირის მონაცემებით, ბოლო 10 წლის განმავლობაში აფრიკისა და აზიის ტყეებში ბრაკონიერებმა მილიონზე მეტი პანგოლინი დაიჭირეს, რომლებიც სამხრეთ-აღმოსავლეთ აზიის მრავალ ქვეყანაში გაგზავნეს. ჩინეთში, მათ შორის კი უჭინის სასურსათო ბაზრებზე, ერთი კილოგრამი პანგოლინის ხორცი 50-60 ევროს შესაბამის ფასში იყიდებოდა...

მოამზადა ოთარ ტურაბალიძემ



დედისა და დის მკვლელობაში ბრალდებული დაკავებულია!


ბრალდებულმა მიმდინარე წლის 28 თებერვალს დუშეთის მუნიციპალიტეტის სოფელ ჭოპორტში, საკუთარ საცხოვრებელ სახლში, ურთიერთშელაპარაკებისას, სანადირო თოფისა და დანის გამოყენებით სასიკვდილო ჭრილობები მიაყენა დედას - 1957 წელს დაბადებულ ცქ-ს და დას - 1977 წელს დაბადებულ თქ-ს. მიყენებული ჭრილობების შედეგად ორივე ქალი გარდაიცვალა.

ოჯახის ორი ან მეტი წევრის მიმართ დამამძიმებელ გარემოებაში ჩადენილი განზრახ მკვლელობის ბრალდებით დუშეთში დააკავეს 1979 წელს დაბადებული ლ. ქ. დანაშაული 16-დან 20 წლამდე ან უვადო თავისუფლების აღკვეთას ითვალისწინებს.

პოლიციამ დანაშაულის ჩადენის იარაღები - სანადირო თოფი და დანა ნივთმტკიცებად ამოიღო.

ქუთაისის სიხეში 4 პატიმარი შიმშილობს

ადმონკატების როინ ჭიჭიშვილისა და ციციხო ბაბუნაშვილის თქმით, პროტესტის უკიდურეს ფორმას 4 ადამიანი მიმართავს, აქედან ერთ-ერთი პატიმარი თვეზე მეტია, შიმშილობს, რის გამოც ჯანმრთელობის პრობლემები აქვს და დამოუკიდებლად გადაადგილება არ შეუძლია.



პატიმრებს გამოძიება თავდაპირველად თავისუფლების უკანონო აღკვეთას ედავებოდა, თუმცა შემდეგ მათ ბრალი დაუშმძიმდათ და გამოძიებამ გამოძალვის, სხეულის ნაკლებად მიმე და მსუბუქი დაზიანების მუხლები დაამატა.

გარდა ამისა, ადვოკატების ინფორმაციით, ერთ-ერთი პატიმარი ხონის პოლიციის უფროსის მოადგილეს ჩვენების იძულებით მიცემაში ამხელს, რაზეც გამოძიება დაწყებულია.

საქმე ეხება ვალის დაბრუნების მოთხოვნით დანებულ სიტყვიერ შელაპარაკებას, რომელიც ხონში 2019 წლის 23 ნოემბერს მოხდა.

დაკავებულების ადვოკატები საქმის სწორად გამოძიებას და სასამართლოსგან სამართლიანი გადაწყვეტილების მიღებას ითხოვენ.

ზუგდიდში აპარიუს 3 კლამიანი ექსპერტა



ზუგდიდის მუნიციპალიტეტის სოფელ დარჩელში, ზუგდიდი-ანაკლიის გზაზე ავტოსაგზაო შემთხვევა მოხდა. არის მსხვერპლი. სამი დაღუპულიდან ორი ცოლ-ქმარია. ავარიის შედეგად დაშავებული 2 პირი ზუგდიდის რეფერალურ ჰოსპიტალში არიან მოთავსებულნი. დაშავებულთაგან ერთის მდგომარეობა მძიმეა.

შს-ს ინფორმაციით, შემთხვევა გვიან ღამით მოხდა.

ირანის ვიცე-პრეზიდენტს კორონავირუსი დაუდგინდა

სამოწმად და ქალთა საკითხებში ირანის ვიცე-პრეზიდენტს მასუმე ებთეკარს კორონავირუსი დაუდგინდა.



„ვირუსის ზოგიერთი სიმპტომის გათვალისწინებით, ქალბატონ ვიცე-პრეზიდენტს ჩაუტარდა ტესტი კორონავირუსზე, რომელიც დადებით აღმოჩნდა“, - განაცხადა ვიცე-პრეზიდენტის მრჩეველმა. მანამდე ირანის პარლამენტის ეროვნული უსაფრთხოებისა და საგარეო პოლიტიკის კომიტეტის თავმჯდომარემ მოჯთაბა ზულუნურმა განაცხადა, რომ კორონავირუსით დაინფიცირდა.

„დაის, კორონავირუსზე ჩატარებული ტესტი დადებითი აღმოჩნდა, ნერვიულობად არ ღირს, კარანტინში ვარ მოთავსებული, ღმერთმა ქნას, ჩვენმა ხალხმა დაამარცხოს კორონავირუსი“, - განაცხადა დეპუტატმა.

კორონავირუსით დაავადდნენ ირანის პარლამენტის კიდევ ერთი დეპუტატი მაჰმუდ სადეკი და ირანის ჯანდაცვის მინისტრის მოადგილე ირაჯ ჰარირჩი. ბოლო ინფორმაციით, ირანში კორონავირუსული ინფექციების რაოდენობამ 245-ს მიაღწია, აქედან 26 ფატალურად დასრულდა.

ისრაელმა ვირუსის სანიტაზიზაციის ვაქცინა შექმნა

ისრაელელ მკვლევართა ჯგუფი, გალილეს კვლევით ინსტიტუტში (MIGAL) კორონავირუსის წინააღმდეგ ვაქცინის შემუშავების ბოლო სტადიაზეა, - ამის შესახებ ისრაელის მეცნიერებისა და ტექნოლოგიის მინისტრმა ოფირ აკუნისმა განაცხადა. ინფორმაციას i24news.tv-ი ავრცელებს.



მინისტრის თქმით, ვაქცინის შექმნა შესაძლოა, სამ კვირაში დასრულდეს, ხოლო ხელმისაწვდომი 90 დღეში იქნება. „ვულტაცვ MIGAL-ს ამ გარღვევას. დარწმუნებული ვარ,

რომ შემდგომი სწრაფი წინსვლა იქნება, რაც საშუალებას მოგვცემს საჭირო პასუხი უზრუნველყოთ გლობალური საფრთხისთვის“

— განაცხადა მინისტრმა. MIGAL-ი გალილეაში მდებარე კვლევითი ორგანიზაციაა, რომელიც ბიოტექნოლოგიის, გარემოდაცვითი მეცნიერების და სოფლის მეურნეობის სფეროებში სპეციალიზირდება.

მონღოლეთის პრეზიდენტი კარანტინში მოათავსეს



ჩინეთში ვიზიტის შემდეგ მონღოლეთის პრეზიდენტი ხალტმაგინ ბატულგა 14-დღიან კარანტინში მოათავსეს.

მონღოლეთის პრეზიდენტი ჩინეთში ერთდღიანი ვიზიტით იმყოფებოდა. როგორც ადგილობრივი მედია იუწყება, ჩინეთიდან დაბრუნების შემდეგ მონღოლეთის პრეზიდენტი და მისი დელეგაციის წევრები პრევენციის მიზნით 14-დღიან იზოლაციაში მოათავსეს.

ჩრდილოეთ კორეაში კორონავირუსით დაინფიცირებული პირველი პაციენტი დახვრიტეს

სოციალურ ქსელში ბლოგერი Secret Beijing-ი, რომელიც ჩინეთის ანალიტიკოსს უწოდებს თავს, წერს, რომ ჩრდილოეთ კორეაში კორონავირუსით დაინფიცირებული პირველი პაციენტი დახვრიტეს.

მანამდე ვრცელდებოდა ინფორმაცია, რომ ჩრდილოეთ კორეელი მაღალჩინოსანი დახვრიტეს იმის გამო, რომ მან კარანტინი დაუკითხავად დატოვა.





ნაკიანი წელიწადი კალენდარული წელიწადია, რომელიც 366 დღე-ღამეს შეიცავს; 1 დღე-ღამით მეტია მარტივ წელიწადზე. ნაკიან წელიწადში თებერვალი 29 დღე-ღამისგან შედგება.

დედამიწა მზის გარშემო ბრუნვას 365 დღეს, 5 საათს, 48 წუთსა და 46 წამს ანდომებს. 4 წელიწადში ერთხელ ეს „ზედმეტი“ 6-საათიანი სხვაობა საათები ერთად იყრის თავს და ემატება კალენდარს. კალენდარსა და წლის სეზონებს შორის სხვაობის აღკვეთის მიზნით, ყოველი მეოთხე წლის თებერვალს, დამატებითი დღე – 29 თებერვალი ემატება.

ნაკიანი წლის გარდა არსებობს ნაკიანი წამიც, რომელიც ბოლოს გასული წლის ივნისში დაგვემატა. ნაკიან წამს ნაკიან წელთან არანაირი კავშირი არა აქვს, ამასთანავე, იგი არ უკავშირდება დედამიწის ბრუნვას.

29 თებერვალს დაბადებულებს ხშირად მსტუნავეებს უწოდებენ, რადგან დაბადების დღეს 28 თებერვალს ან 1 მარტს აღნიშნავენ.

ნაკიან წელიწადს უკავშირდება უძველესი ტრადიცია, რომლის თანახმად, ამ წელს ქა-

# 29 თებერვალს დაბადებულთა „უპირატესობანი“

ლებს უფლება აქვთ, ხელი სთხოვონ საყვარელ მამაკაცებს. ერთ-ერთი ლეგენდის თანახმად, მეხუთე საუკუნეში მცხოვრებ ირლანდიელ წმინდანს, პატრიკს მონაზონმა წმინდა ბრიჯიტმა უამბო, რომ ქალებს დიდხანს უწევთ ლოდინი, სანამ საქმრო ხელს სთხოვთ. ამაზე საპასუხოდ, წმინდა პატრიკმა

განაცხადა, რომ აძლევს ქალებს უფლებას, თავად გააკეთონ ეს ყოველ ოთხ წელიწადში ერთხელ.

არსებული ტრადიციით, თუ ნაკიან წელს დანიაში მამაკაცი ქალს დაქორწინებაზე უარს ეტყვის, ვალდებულია, 12 წყვილი ხელთათმანი მისცეს. ფინეთში კი „ჯარიმის“ სახით, ქვედა



ბოლოს შესაკერად ნაჭერი უნდა აჩუქოს.

საინტერესოა, რომ აშშ-ის საპრეზიდენტო არჩევნები და ზაფხულის ოლიმპიური თამაშები ყოველთვის ნაკიან წელს ტარდება.

**მინილ ცაბარაილი:** „ამ დღეს დაბადებულები ძლიერი ინტუიციით გამოირჩევიან. მათ აქვთ უნარი, საოცარი რჩევა მისცენ სხვებს. ამიტომ, თუკი ამ დღეს დაბადებულმა ოდესმე რამე გირჩიათ, დაუჯერეთ. ის თქვენთვის სასიკეთო იქნება.“

თუმცა მათ არ იცინ, საიდან აქვთ ეს უნარი. ისინი გეომანტიური ველის საშუალებით, ქვეცნობიერად იღებენ ამ ინფორმაციას და სწორედ ეს გახლავთ მათ ერთგვარი შარმიც.

28 თებერვალი რომ დასრულდება და 12 საათს გადასცდება, პირველ წუთებზე უნდა ადღეგრძელოთ ეს აღამინები, ამ დროს წარმოთქმულ სადღეგრძელოს საოცარი ძალა აქვს. იუბილარებზე დიდ ზეგავლენას ახდენს“.

ნაკიანი წლები დადგება: 2020, 2024, 2028, 2032, 2036, 2040 და მომდევნო, ყოველ 4 წელიწადში ერთხელ.

## სულიერება

# ყველიერის, მიტევების კვირიაკა

1 მარტს საქართველოს წმიდა მართლმადიდებელი სამოციქულო ეკლესია იხსენიებს განსაკუთრებულ დღეს, რომელიც წელიწადში ერთხელ აღინიშნება და მას მიტევების კვირიაკეს – ყველიერის კვირიაკეს ვწოდებთ.



...მიტევების დღეს ყველა ადამიანი გაახელს თუ არა თავს, შესთხოვს შენდობას უფალს, ღრმად იხედება თავის სულში და რაც უფრო ცხადად ხედავს თავის ცოდვებს, მით უფრო სინანულით ევედრება უფალს ცოდვათა მიტევებას. ამგვარად, ის (ადამიანი) გამოითხოვს სულიწმინდის მაღალ შემოქმედისგან, რომელიც ვითარცა ცეცხლი განწმენდს სულს მანკიერებისაგან.

შენდობის კვირიაკეს თავი უნდა დავიმდაბლოთ და ყველა ადამიანს ვთხოვთ, გვაპატიოს ჩვენი საქციელი, რომლითაც გული ვატკინეთ, უნდა ავმალდეთ საკუთარ თავზე (ყოველი ცოდვის სათავე ხომ ამპარტყავება).

...პირველ რიგში, ჩვენ შევუწოდოთ მას (ყველა ადამიანს) ყველაფერი და შემდეგ თავმდაბლობით და გულწრფელობით ვითხოვოთ მისგან პატიება...

როგორც ამბობენ, მარხვა სინანულისა აღდგომა სიხარულისა **ბიული ლიპარტი**

## მოგართავთ გაზეთის მზრუნველთა საბჭოს სახელით

განათავსეთ რეკლამა ყველაზე საჭირო და სანდო გაზეთში და ამით ხელი შეუწყვეთ 101 წლის ყოველდღიური გამოცემის აღორძინებას.

გვჯერა, რედაქციის მიმართვას გამოეხმაურებიან ჩვენი ბიზნესმენ-ქველმოქმედნიც და გარკვეულ ფინანსურ დახმარებას გაუწევენ გაზეთს.

ჩვენი ანგარიშია: №GE19TB7601536020100009.

(შპს „ახალი საუკუნე“ – გაზეთ „საქართველოს რესპუბლიკის“ გამომცემელი).



## მილოკაპიკები რუსეთის ეკლესიაში

**მოსკოვის საპატრიარქოს სამართლებრივი სამმართველოს ხელმძღვანელმა, ილუმენია ქსენიამ (ჩერნეგამ) დაადასტურა, რომ რუსეთის მართლმადიდებელი ეკლესიის რუსეთის ტაძრებში სათვალთვალო ვიდეოკამერებს ამონტაჟებს. მისი სიტყვებით, ეს კეთდება რუსეთის ფედერაციის მთავრობის დადგენილების საფუძველზე.**

კამერების დაყენება, განაცხადა ჩერნეგამ, მოხდება მხოლოდ 500-ზე მეტი ადამიანის ტევადობის ობიექტებში. რუსეთის მართლმადიდებელი ეკლესიის წარმომადგენლის თქმით, პატარა ტაძრებში კამერებს ჯერჯერობით არ დაამონტაჟებენ. ისინი არ იქნება არც იმ ტაძრებში, რომლებშიც არ ტარდება რეგულარული ღვთისმსახურება (უფრო იშვიათად, ვიდრე კვირაში ერთხელ) და სადაც არ დადიან მომლოცველები; ასევე მონასტრებში და სხვა შენობებში, რომლებზე წვდომაც შეზღუდულია ეკლესიის წესებით. იქ ვიდეოკამერების შეცვლა შეიძლება პერიოდული შემოვლებით, დასაძინა ჩერნეგამ.

მან ასევე თქვა, რომ კამერები განთავსდება რუსეთის მართლმადიდებელი ეკლესიის „შიდა განაწესის“ გათვალისწინებით. კერძოდ, ისინი არ მოთავსდება საკურთხეველში და აღსარების ადგილებზე.

„ბევრ ტაძარში უკვე დიდი ხანია, დამონტაჟებულია ვიდეოკამერები, მათ შორის, ქურდობის თავიდან ასაცილებლად – როგორც ეკლესიის ქონების, ისე გრველის კერძო ნივთებისა“, – აღნიშნა მან.

ასევე, როგორც იურისტმა თქვა, წინამძღვრის გადაწყვეტილებით, კამერები შეიძლება, გაითიშოს ნათლობის, ჯვრისწერისა და პანაშვიდის დროს, ანუ „ინდივიდუალური რიტუალების“ მსვლელობისას, ვინაიდან მთავრობის დადგენილება „ეხება მხოლოდ საჯარო ღვთისმსახურებასა და რიტუალებს“.

## რომის პაპმა ავადყოფობის გამო მესა გამოტოვა

ავადყოფობის გამო რომის პაპმა ფრანცისკემ რომში დაგეგმილი მესა გამოტოვა, რომელიც სხვა სასულიერო პირებთან ერთად უნდა ჩატარებინა.

ვატიკანის განცხადებით, პაპი თავს შეუძლოდ გრძნობდა და ამიტომ ამჯობინა, დარჩენილიყო სასტუმროში, სადაც ის ცხოვრობს.

პაპის ჯანმრთელობის მდგომარეობის შესახებ დამატებითი დეტალები არ დაკონკრეტებულა.

იუნკებთან, რომ ოთხშაბათის მესაზე რომის პაპი ახველებდა და სურდო ჰქონდა.

**საქართველოს რესპუბლიკა**  
**SAKARTVELOS REPUBLIKA**

ბ. ჩიქობავას (ყოფილი საბჭოს) ქუჩა №42/5  
 ტელ: 296-72-86

მთავარი რედაქტორი  
**სპარტაკ მოგულია**  
 599 36-00-35

პასუხისმგებელი რედაქტორები:  
**გურამ გომიაშვილი**  
 599 53-76-16;  
**ალექო ასლანიშვილი**  
 599 56-81-86;

პასუხისმგებელი მდივანი  
**მამუკა ვაშაქიძე**  
 514 33-33-24

**გამომცემლობა:**  
 შპს „ახალი საუკუნე“ – გაზეთ „საქართველოს რესპუბლიკის“ გამომცემელი“  
 599 53-76-16; 599 36-00-35  
 შპს „თანაღმომბა“-გაზეთ „საქართველოს რესპუბლიკის“ გამომცემელი“  
 ტ: 599 79-76-79

იბეჭდება გამომცემლობა „**კოლორ პრესში**“  
 რკინიგზის ჩიხი №20  
 uac(უაკ)070.4(479.22) ს-323  
 ISSN 2233-3851  
 9 772233 385001

**ავტორთა საყურადღებოდ!**

**რედაქციის მიერ შეუკრთავი მასალები დანიშნულია ავტორთა ხარჯით.**

**ავტორთა მოსაზრებები, შესაქმნა, მუდამ არ ემთხვეოდეს რედაქციის პოზიციას. ვაჭივების სიზუსტეზე პასუხს აბეზან ავტორები.**

**„საქართველოს რესპუბლიკა“**  
**უენი გაზეთია, აუსილეულად გამოიწერე, რასაც აქ წაიკითხავ, სხვაგან ვერ ნახავ!**

	<b>უსსოური ვალუტის კურსი:</b> აშშ დოლარი - 2.8042; ევრო - 3.0686; ბრიტანული პირანა სტერლინგი - 3.6110; 100 რუბლი - 4.2697; თურქული ლირა - 0.4545; აზერბაიჯანული მანათი - 1.6559; 1000 სომხური დრამი - 5.8573.	<b>აინდი 29 თებერვლისთვის</b> <b>აღმოსავალი საქართველო:</b> ბარა - ლაშქ -5, ღვ 14 მთიანი რაიონები - ლაშქ -4, ღვ 10 <b>დასავალი საქართველო:</b> ბარა - ლაშქ +2, ღვ 20 მთიანი რაიონები - ლაშქ -3, ღვ 16 თბილისი: ლაშქ +2, ღვ 16	<b>დაგვიკავთ, მოგვწერათ:</b> ტელ: 296-72-86, 599-79-76-79, 568-82-09-84 ელ. ფოსტა: sakresp@mail.ru და sakresp@top.ge ვებ-გვერდი: www.sakresp.ge
--	--	--	---